

光緒鎮海縣志

鎮海縣志

列女傳目錄

朱

楊氏

邵氏

元

陳氏

姜氏

劉氏

夏氏

樂氏

明

賈氏

孫氏

蔡氏

徐氏

柯氏

吳氏

王氏

陳氏

王氏

倪氏

黃氏

王氏

莊氏

吳氏

傅氏

胡氏

周氏

汪氏

鄔氏

劉氏

陳氏

周氏

蔡氏

王氏

劉氏

阮氏

湯氏

王烈婦

嚴烈婦

周烈婦

劉氏雙節

楊氏

謝氏

盧氏

施氏

詹氏雙節

黃氏

嚴烈婦

傅烈女

李烈女

李烈婦

葉貞女

鄭氏

沈氏

陳氏

沈氏

張氏

虞氏

沈氏三節

劉氏雙節

韓氏

朱氏

汪氏

周氏

戴貞女

朱氏

滕氏

金氏

王氏

陳氏

姚氏

鄭氏

呂烈婦

李氏

傅氏

俞氏

徐氏

王氏

黃氏

金氏

范氏雙節

李氏

洪氏

張氏

王貞女

桂氏雙節

張氏

賀氏

邵氏

方氏

陳氏

周氏

丁氏

張氏

胡氏

周氏雙節

李氏

沃氏

魏貞女

徐貞女

臧氏

江氏

朱氏

鄭氏

嚴氏

虞氏

何氏

湯氏

周氏

吳氏雙節

俞氏

張氏

李氏

薛氏

俞氏

項貞女

周氏

陶氏

傅氏

陸烈婦

張氏六烈

皇朝

林氏雙烈

顧氏雙烈

潞洲婦

李烈婦

李烈婦

金氏

某氏

戴氏

湯氏

投江女

宋氏

林氏

趙氏

陳氏雙節

王氏

徐氏

胡氏

傅烈婦

俞烈婦

張烈婦

李烈婦

王烈婦

胡烈女

袁氏

張烈婦

李氏

胡氏雙烈

四烈婦

邵烈女

胡烈婦

嚴氏雙烈

周烈婦

胡烈女

沃氏雙烈

胡烈婦

李氏三烈

俞烈婦

林氏

李貞女

王氏

葉氏

鄔氏

李氏

李氏

張氏

戴氏三節

姜氏

劉烈婦

李氏

陳氏

宋氏

邱氏

王氏

邱氏

樂氏

吳氏

王氏雙節

蔣氏

謝氏

王氏

鄭氏

何氏

夏烈婦

徐烈婦

徐烈婦

虞氏

陳氏

王氏

劉氏

魏氏雙節

樂氏

朱氏

王氏

胡氏

方氏

邱氏

謝氏

洪氏

陳氏

史氏

盧氏

范孝女

李孝女

林氏

黃氏

陳氏

孫氏

樂氏

郭氏

邱氏

魏氏

朱氏

范氏

張氏

張氏

邵孝女

丁氏

葉氏

楊氏

陳氏

陳氏雙節

陳氏

方氏

鄭氏

林氏

賀氏

林氏

朱氏

邵氏

徐氏

張氏

余氏

吳氏

鄭氏

楊氏

秦氏

鄭氏

馮氏

任氏

沈氏

洪氏

杜氏

夏氏

蔡氏

朱氏

劉氏

張氏

馮氏

沈氏雙節

張貞女

龐氏

艾氏

陳氏雙節

范氏

柴氏

謝氏

武氏

阮氏

白氏

虞氏

莊氏

陳氏

高氏

薛氏

王氏雙節

汪氏

王氏

謝氏

張氏

邵氏

袁氏

裘氏

謝氏

潘氏

陳氏

金氏

朱氏

謝氏

沈氏

張氏

張氏

俞氏

章氏

陳氏

顧氏雙節

吳氏

湯氏

傅氏

陳氏

劉氏

劉氏

樂氏

朱氏

林氏雙節

崔氏

陳氏

蔣氏雙節

白氏

沈氏

王氏

樂氏

林氏

胡氏

李氏

汪氏

余氏

莊氏

莊氏

胡氏

齊氏

陳氏

張氏

陳氏

費氏

朱氏

楊氏

丁氏雙節

賀氏

劉氏

金氏

俞氏

邵氏

黃烈婦

顧貞女

胡氏

張氏

范氏

張氏

郭氏

胡氏

虞氏

沈氏

史氏

王氏

朱氏

楊氏

范氏

黃氏

周氏

華氏

劉氏

邵氏

鄭氏

陳氏雙節

胡氏

邵氏

樂氏

陳氏

李氏

華貞女

湯氏

邱氏

樂氏

謝氏

鄭氏

史貞女

林氏

史氏

李氏雙節

吳氏

吳氏

顧氏

王氏

顧氏

王氏

舒氏

邵氏

郎氏

樂氏

吳氏

高氏

何氏

曹孝女

沈氏

李氏

林氏雙節

茹氏

傅氏

周氏

郭孝婦

葉氏

周氏

金氏雙節

張氏

夏氏

陳氏三節

姚氏

顧氏

林貞女

陳氏

史氏

俞氏

鄔氏

胡氏

王氏

鄔氏

董氏

齊氏

李氏

王氏

江氏

陸氏

張氏

鄭氏

韓氏

朱氏

王氏

葉氏雙節

鄭氏

韓氏

傅氏三節

王氏

劉氏

曹氏

包氏

林貞女

顧貞女

范貞女

李氏雙節

胡氏

俞氏

鄔氏

王氏

胡氏三節

陳氏

俞氏

張氏

余氏

王氏

邵氏三節

陸氏

陳氏

武氏

林氏

謝氏

於氏

謝氏

倪氏

任氏雙節

顧氏

王氏

徐氏

湯氏

包氏

周氏

徐氏

莊氏

沈氏

王氏

莊氏

陸氏

姚氏

黃氏雙節

沈氏

柴氏

華氏

葉氏三節

裴氏

傅氏

沈氏

曹氏

王氏

沈氏雙節

宋氏

徐氏

張氏

應氏

胡氏

莊氏

婁氏

華氏雙節

陳氏

王氏

王氏

陸氏

虞氏

沈氏

龔氏

劉氏

陳氏

張氏

陳氏

鄭氏

王氏

錢氏

朱氏

朱氏

陳氏

林氏

謝氏

陳氏

顧氏

賀氏

郭氏

汪氏

姚氏

董氏

王氏

王氏

徐氏

嚴氏

周氏

劉氏

劉氏

唐氏

王氏

烏氏

孫氏

華氏

邵氏

謝氏

倪氏

傅氏

楊氏

王氏

金氏

王氏

朱氏

翁氏

張氏

孫氏

黃氏

黃氏

貝氏

盛氏

徐氏

陳氏

倪氏

戴氏

董氏

金氏

夏氏

鄭氏

余氏

金氏

范氏

王氏

王氏

金氏

張氏

王氏

李氏

烏氏

林氏

鄭氏

鄭氏

夏氏

劉氏

劉氏雙節

張氏

陳氏

王氏

蔡氏

張氏

李氏

陳氏

張氏

高氏雙節

曹氏

莊氏

倪氏

馬氏

謝氏

劉氏

謝貞女

朱氏

謝氏

陳氏

嚴氏

金氏

盛氏

王氏

應氏

葉氏

錢氏

陸氏

胡氏

李氏

方氏

莊氏

陸氏

李氏

陳氏

劉氏

陳氏

宋氏

薛氏

沈氏

王氏

范氏

胡氏

王氏

朱氏

陳氏

鄭氏

王氏

王氏

王氏

陳氏

范氏雙節

鄔氏

李氏

沈氏

張氏

成氏

張氏

程氏

伍氏

林氏

孫氏

羅氏

夏氏

張氏

張氏

包氏

朱氏

費烈婦

陳氏

王氏

姚氏

倪氏

顏氏

徐氏

於氏

黃氏

朱氏

吳氏

王氏

虞氏

傅氏雙節

林氏

倪貞女

鄭氏

陳氏雙節

祝氏

白氏

王氏

丁氏

華氏

陳氏

馮氏

梁氏

吳氏

任氏雙節

劉烈婦

孫氏

鄭氏

金氏

鄭氏

吳氏

樂氏雙節

夏氏

任孝女

楊孝女

曹氏

范氏

江氏

董烈女

鄭貞女

應烈婦

陳氏雙節

王氏

袁貞女

林氏

謝氏雙節

陳貞女

胡氏

許氏

陳氏

樂氏雙節

葉氏

謝氏

沈氏

楊氏

傅氏

方氏

鄔氏

李氏

沈氏

鍾氏

董氏

李氏

王氏

劉氏雙節

張氏

宓氏

王氏三節

王氏

葉氏

鄭氏

陳氏

汪氏雙節

張烈婦

徐烈婦

黃氏

方氏

戴氏

夏孝婦

王氏

曹氏三節

張氏

陳氏

洪氏

沈氏

陳氏

唐氏

王氏

葛氏

包氏

徐氏雙節

沈貞女

林氏

邱氏

朱烈婦

陳氏

俞氏

李氏

某氏

宋貞女

曹氏

孫氏

王氏

范烈女

江貞女

汪貞女

胡烈婦

戴貞女

石氏雙節

王氏

陸氏

胡氏

陳氏

陳氏

杜氏

周貞女

華氏

張氏

白氏

周氏

陳氏

王孝女

王氏

劉氏

童氏

鄭氏

劉氏

施氏

王氏

葉貞女

虞貞女

王氏四節

范氏

華氏

葉氏

鄭氏

金氏

王氏

黃氏

王氏

陳氏

楊貞女

王貞女

胡氏

曹氏

俞烈婦

曹烈婦

王氏

王烈婦

朱氏

忻氏

補遺

李氏

張貞女

方烈婦

沈氏

徐氏

夏貞女

賀氏

鄭氏

[illegible]

鎮海縣志卷二十六

列女傳上

列女傳創自中壘蔚宗因之以入正史蓋婦德之
關乎風教審矣鎮邑義禮之邦巾幗中恆多節烈
凡捐軀殉命飲槃茹荼莫不上獲

褒榮垂光竹帛何其盛也而掘門窮巷之中間有潛
德未彰待濡彤管與夫一二賢母才女模範可欽
詩文成集者亦備錄之以俟輶軒之採云

宋

楊氏沈煥妻有賢行孝於舅姑和於娣姒叔妹相夫子以
禮時有規切語煥每謂之良友比卒煥深悼之欲擇繼室

難其人吏部郎中豐誼故與煥相知深曰吾長女可配君

子遂以歸之生傳曾省曾魯曾敏曾皆成儒業

楊簡撰沈煥行狀

邵氏名道冲字用之武經郎林延齡妻家定海母朱氏方

娠夢丹雲金篆在霄漢間生而敏慧未酖知書少長觀漢

書資治通鑑至成誦歸於林姑嫜居亡愛子斥匭具營喪

葬而無靳色姑疾經年醫禴備至人稱其孝延齡仕不進

一閒十三年邵安之觴咏琴弈以相娛從官四方覽西湖

荆溪秦淮之勝及親賓往還隨事賦長短句脫略脂粉氣

習殊無滯思又喜繙內典手書法華圓覺金剛等經閱傳

燈錄有所省輒贊以偈頌子謙會萃所作成編藏於家

寶慶

志

元

陳氏奉化進士知台州陳著女歸黃正孫生子玠幼時輒口授以詩書尤喜讀易所占多驗嘗爲其子賦詩均有關於倫紀有益於治化學士大夫咸稱頌之

黃文獻集

姜氏慈谿人年十九歸處士唐榮祖十三年而榮祖卒姜持喪盡哀理家盡瘁每鬻簪珥質裳衣延師以教其子賓元及春秋高於內外爲尊行而慈幼字徵親疏咸附悍強頑鄙亦無惡戮大節皦如尤爲嫺族所稱云卒年八十

戴良

撰墓志

劉氏名宜

節孝祠主作定

字淑靜鄞人歸崇邱樂壽孫三年壽孫

渡江死同溺者多不得屍劉氏生男甫周歲抱之沿流哭

而求屍屍忽自浮得收葬焉時劉年二十九舅姑已先歿撫孤勤苦克成家業至正間表其門太史危素有傳志成化

案羽庭集云壽孫與鄉人聚觀驅雛渡江溺死劉

時年二十七舅姑尙存與成化志少異

丁鶴年題沿江泣尋夫屍卷忽入江雲結晝陰潮痕清淺淚痕深白頭重見黃泉下方盡寒鐙一寸心劉仁本詩哭夫鄧婦類曹娥江水江花血淚多乳子未堪霜露託鄉人爲輟歲時儺寒雲重覆湘如竹白鳥孤飛滄海波太史能修貞節傳門前華表勒詩歌

夏氏夏文華女字守貞年二十四歸鄧蔡志善三年生子敬未及晬而志善死時海上兵起居民錯愕不自安夏泣以蒞事自斂至葬無違禮姑年七十餘以志善非己出且蚤亡益慮無所依語輒流涕夏事之無戚疏一日遘病甚

革夏焚香燕臂乞以身代病乃愈教子必納於矩度嘗戒之曰汝生十月而父死吾寶汝如掌上珠倘不幸有所虧闕吾將從汝父於地下不願與汝俱生其子化服惴惴不敢肆夏兄弟以財雄於鄉嫺族蕃盛夏捐循應接得其宜然未嘗以貧故一舉口及於利初鄰有嫠婦嘗相與誓死守義後竟易其心而更誘之以甘言夏謝絕之終其身弗與見卒年五十二

戴良撰墓志

烏斯道詩 開門見江水江上有青山青山易黃落江水易波瀾婦心寂不移白首無醜顏衣藏錦文新鏡掩銅花斑惟憂鳳一去母雛日飢寒奉姑憂戚中訓子識字初金鳳買姑藥繡麟易子書姑歿子已長今當子孫娛朱萱隔疎箔翠竹森前除春酒洽鄰母暮齒爲何如

樂氏戴德潤妻年二十歸樂既六年生二女而德潤蚤世

樂慟絕者幾旣治喪盡禮及葬之日欲身與柩俱窆其嫻
戚強持之不得遂而止迺廬墓側日抱二孤女以號指天
以誓治絲枲以自給人不取以非禮語及之者寡居二十
有五載且能教其庶子從明師向學讀書不墜先緒有司
上其事旌之徵言於天台劉仁本曰嗚呼夫婦人之於夫
也一與之醮終身不改者以禮與義行乎其間也卽不幸
而夫死又有聖人爲之法制存焉婦能守制而行則爲賢
矣豈必以同死爲得哉且聖人曷嘗教人以夫亡而婦必
死也亦曰未亡人而已今樂氏臨其穴欲以身殉情則厚
矣親戚止之而止其亦止乎禮義者止乎禮義而不謂之
能守制可乎前史官程君稱其誦孝經小學書列女傳論

語孟子皆通大義父兄有隱德若婦者誠有得於詩書之
教父兄之訓乎余往歲見危太師傳婦叔樂壽孫妻哭得
夫屍於海濤中葬之終身不改事嘗爲賦詩何樂氏婦人
之多賢也於是喜爲之敘而又詩曰海岸愁生雲黯黯柏
舟誓死淚漣漣夫今蚤世悲長往妾未亡人漫自憐二十
五年幽夢隔一雙孤女夜燈前樂家門表多賢婦一度題
詩一悵然

羽庭集

明

賈氏張安國妻靖難兵入金川門賈隨安國泛太湖鑿舟

俱自沈死

忠賢奇秘錄

孫氏慈谿人適黃誼昭生子涓三載而夫卒孫年甫二十

一誓死不渝延師教子長求兄女爲配閱三年生二子湑亦卒明初田賦至重多令民自輸孫攜寡媳幼孫間關千五百里至南畿訴尙書蹇義言海潮爲患十歲九荒乞築塘以捍居民蹇曰如此孤苦何爲不嫁對曰政恐失節事極大耳蹇嗟歎久之翌日以聞朝命主事辭某至甯與有司相度成塘起龍山迄觀海延袤七十餘里兩邑民俱免潮患立碑廟祀焉

雍正府志

蔡氏湯彥敬妻年二十三夫卒撫二子苦節六十餘年子

懋永樂間領鄉薦有司上其事旌焉

雍正府志

徐氏慈谿人及笄歸金傑傑兄以罪逮京師傑往請代瀕行時徐已有身傑顧謂曰子去生死不可知生女已矣卽

生男可善撫之金氏之鬼庶不餒而已而悔曰吾幾誤君
傑去萬無生還理卽死汝可善事後人徐飲泣曰君誤矣
君以義往上必義君君兄弟當同歸無過苦也卽如君言
妾有死而已敢忘託乎已而果生男曰常居無何傑兄得
生還而傑竟死獄中計聞徐哀毀不欲生乃撫孤慟曰我
本欲從汝父於地下奈金氏宗祔何強起括奩具營葬事
服闋父母或勸之他適乃引刀截髮斷指以死誓時年二
十二茹澹攻苦績紉給食以教子年八十餘卒孫璿舉鄉
貢爲寶慶推官縣令李鑾扁其堂曰節義云

明史列女傳

柯氏名勝瓊家靈巖年二十歸鄞邱原和性溫粹聰慧寡
言笑讀書通大義事舅姑惟謹相宗祀主中饋有道綜理

庶務有法與人言必由乎典則處閨門至雍睦僅三載生
一子曰友甫期而原和卒婦抱隱銜恤蠶織紡績養老育
幼日夜弗休父母憫而謂曰汝年甚少恐不能自全不早
爲之計奈何婦曰死與義孰重苟義重於死勝瓊惟知守
義而已他則不暇知也且勝瓊不從夫子於地下者以夫
子之父母弱息託於勝瓊故也設背而之他又將誰託乎
不義之事雖子子然自處尙不可爲况所託者尙在乎日
月照臨吾志決矣卒以冰槩自守凜如也舅姑歿治喪葬
如禮友甫及髫鬣口授孝經論語蚤暮訓以禮義稍長俾
出就外傳動由規矩有成立以善行稱

春草齋集

吳氏名義正定海衛穿山所副千戶英之女適甯波衛指

揮僉事萬文永樂十年文禦倭於桃渚海口溺死年僅二十二吳方姪厯五月而生全吳以青年寡居事姑教子俱有禮法自舅姑伯夫之兄嫂姊妹內外喪葬皆吳爲之主鄞士大夫聞而賢之卒年七十

黃潤玉撰墓志

王氏浙江都指揮李凱妻性嚴重知書史大義宣德間凱戰歿王年二十餘子綱方齠齔王苦志守貞事舅姑終始盡孝撫育遺孤教之成立正統間綱襲職調定海衛奉母以至每訓綱曰汝父死國事爲忠臣汝其勉承先緒綱泣對曰不敢忘夏暑綱令僕人揮扇墜地綱笞之母曰揮扇者獨不畏暑乎綱痛自引咎遂終身不持扇王年九十而卒觀風使者旌其門曰節孝

乾隆志

陳氏定海衛陳瓊女年二十適畢儒至京越六年夫故生一子誓守志不渝年七十八而終成化二年指揮李綱奏

旌其門

雍正府志

王氏歸鄞倪鉉鉉性不甚慧居以蒔花疊石爲適王從容勉使從伯氏習家政平居奉鉉愛敬備至一女二子幼者纔四月適瘡疹甚劇而鉉忽夢懽暴卒王年二十七悲慟不輟而又甚危其子飲哀調攝幸各保全曰吾夫庶不死矣膏夜紉針自誓撫子中更衰落每至不給益慷慨勵其子曰丈夫會有消長無事戚戚惟恐海乾人白頭耳後家亦稍樹至八十四以節壽終

嘉靖志

倪氏歸鄞陳襄字匡國爲郡諸生有才行蚤卒倪年三十

無子而貧甚力女紅以養姑人有聞其姿者遣媒白其姑
倪煎沸湯潰其面左目爆出又以煙煤塗其傷遂成癘惡
狀媒見之驚走不敢復言歷二十年姑卒倪哀慟不食死
明史列女傳

黃氏年二十歸鄒誠踰九年夫疾刲股療之不痊哀毀幾
絕事姑盡孝守節三十二年有司奏旌其門

王氏名明鑑鄞人太守瑩之從女年十九歸浹港樂恕越
三年恕卒王柏舟自誓撫七月之孤至於成立足不踰閭
雖歲時不御羅綺白首如一日壽躋七十餘正德間邑令
鄭餘慶扁其堂曰貞壽

莊氏周廷祺妻廷祺卒二子皆在襁褓父憫其年少欲奪

其志不從朝夕號天而泣遂至喪明年七十五正德間邑令鄭餘慶署其門曰貞節

吳氏朱昂妻歸六載而昂卒抱孤哀慟矢志不渝家貧力絀績養育其孤年至九十六有疾謂其子曰未亡人今將見汝父於地下庶無覩顏矣正德間邑令鄭餘慶上其事詔旌其門

傅氏字玉真歸莊吳生二子長曰堦甫四歲少曰琦甫三月吳卒傅年二十七姑以他志諷之對曰非義之行媳忍爲乎遂守志終身壽八十八歲正德間邑令鄭餘慶扁其堂曰貞節

胡氏諸生俞錫妻錫遊學病卒胡年二十四時叔氏少家

無主族人欲奪其志胡力肩內政佐叔氏畢力經營未幾叔歿撫叔氏子又殤乃遍撫其諸從子各課所業諸從子咸母事之八十一歲終正德間邑令鄭餘慶扁其門曰貞節

周氏諸生鄭憲妻憲卒周方二十二歲止遺一女父母憐其弱稍諷之卽引刀截髮植柏於亭以自勵年九十三卒之日亭柏盡爲摧折人咸異之

汪氏名恭慈谿人性簡重寡言笑年二十歸楊瑄閱四年瑄亡終身縞素孝事舅姑遺孤鎰時甫三歲訓誨有成兩爲縣尹咸有嘉績人謂得於母教云

鄔氏字淑貞鄞人年十九歸沈歿三年歿亡子纔四月父

母舅姑欲奪其志淑貞嚙指自誓家貧勤紡績以營衣食供舅姑壽八十三而終

劉氏黃僧妻年二十七僧亡哀毀幾絕自誓不移孝養舅姑教二子成立卒年八十五詔旌其門

以上乾隆志

陳氏名守貞

案乾隆志作守貞

鄞人歸樂氏閱五載夫亡姑老子

幼陳竭力養姑爲諸姒先姑亡悉出餘裝以畢喪葬延師教二子長曰友次曰彥皆有成立

雍正府志

周氏慈谿人年十九歸諸生黃鷺

案乾隆志鷺作贊

甫三月鷺有

事南都道病還閱兩月而亡周哀毀幾絕後父病歸甯母氏諷奪其志輒忿泣趨簷下欲觸破甕死二嫂急持而止卽日徒步歸黃深居不出一日忽有翠鳥飛集右手舅慰

之曰翠鳥鷹揚之物得男之兆也未幾生遺腹子橋教育

有成有司奏請旌表

慈谿縣志

蔡氏年十六歸董相相卒蔡年甫二十父母憐其少寡且無嗣誘之他適蔡飲泣誓死茹荼攻苦朝夕緝女紅以養舅姑學使孔天允表其門

乾隆志

王氏歸俞文光甫二載產子纔六月文光卒王年十八家如懸磬宗黨有導之易志者王涕泣曰如舅姑幼子何執婦道益勤備嘗艱苦撫其子稍長又卒饗殮弗繼形影孑立歷六十餘載貞操如一日年八十而終

乾隆志

劉氏歸陶善慶九載善慶卒遺二子濟蒙已而濟殤人曰事已至此盍去諸劉曰未亡人分作陶氏鬼矣日夕紡績

以給衣食供祭祀冰檠之操四十餘年如一日撫其子蒙

成立卒年七十五

雍正府志

阮氏適儒士韓克相未幾相卒時家多艱阮氏年甫二十

卽矢志守節備嘗苦辛敬事舅姑久而彌篤撫遺腹孤繼

宗成立嘉靖三年邑令鄭餘慶表其門曰貞節壽至七十

四而終

雍正府志

湯氏少嫻女誡事父母以孝聞其父珍之不輕字乃歸進

士徐潭爲繼室潭令上海每佐以清白已而潭改令湘潭

遷知崖州卒湯哭之慟時年二十九無親產子力撫前妻

子女畢其婚嫁而時教以義方各有成立躬行勤儉以植

其家閭範莊嚴數十年如一日人稱爲義貞云

嘉靖志

烈婦王氏名一芝家本世族歸慈谿臧梁甫三月而梁之
父任三年不歸已而舅死官所梁扶喪歸亦死王年甫十
九手治服殮既殯號哭別家以歸一日促父往視梁墓及
還見閨窗扃固驚呼不應啟視之則已經矣事聞詔旌其
門

嘉靖志

嚴烈婦靈緒葉餘妻慈谿鄉進士吝之女弟也嘉靖三十
一年夏倭寇猝至執婦欲污之不從窘迫萬狀終不屈縛
之去將及舟紿之曰少疎我卽從若矣寇信而解其縛婦
遂投海死學博鄺夢口撰文弔祭焉

乾隆志

周烈婦定海衛千戶女嘉靖間倭寇犯邑城外男女奔入
城中時夫病令婦避去婦曰夫在何往俄而父遣二人至

負其夫一欲負婦曰安得負我隨之行寇至負者疾走入城婦不及爲寇所執負而走輒噬寇委頓再負再噬寇怒盡褫其衣負如初噬亦如之寇大怒斷其屍爲三

石孟集

翁氏劉道妻歸僅三載而道卒翁年二十一欲以身殉念姑老子幼迺忍死節哀撫其孤惟成助以學業娶香山沈氏爲婦未幾惟成亦病卒沈時年二十四或諷之他適輒叱曰吾姑寡而無依忍言及此遺腹生男甫三歲又天姑婦勵志益堅立從孫爲後邑令宋繼祖扁其堂曰雙節

雍正

府志

楊氏嘉靖間莘畧民謝崇妻歸七月而崇卒有遺腹舉男家赤貧以紡績供姑膳撫子成立壽踰七旬終

乾隆志

謝氏歸中左所百戶王廷玉年二十八而廷玉卒哀號以首觸棺曰妾死以殉矣其父曰兒在襁褓如王氏世祚何謝悟誓志自守勤紡績事舅姑力致滫瀡撫其子既長襲職每訓曰汝念而父死乎王氏興墜係汝也輒於邑揮涕邑令宋繼祖上其事於臺司月給粟帛旌其門曰完節及百齡而逝

盧氏朱燧妻歸四載夫暴卒撫屍哀毀幾不能生輒屏去華飾事寡姑盡孝撫子珮爲邑諸生厯五十餘年節如金石鄉人稱之無間言

施氏朱和妻年十九而寡遺腹生子誓不他適服敝茹荼撫育遺孤鄰婦雖密邇者亦罕識其顏面姑性頗嚴委曲

承順鄉人稱節孝云

詹氏二節張氏詹恩妻年二十四而恩卒張旦夕悲慟形容悴槁撫育遺孤詹鳳及長娶吳氏期年而鳳亦卒家徒壁立姑婦攻苦茹淡窶窶然貧也張年九十吳年六十餘並稱完節有司請於臺省加旌異焉

以上邱府志

黃氏張和妻年二十八和卒二子在穉穉黃柏舟自誓孝姑慈幼姑疾罄簪珥醫禱而愈嫠居四十餘年足不踰閭教子成立至老猶紡績以供衣食鄉里稱之

雍正府志

嚴氏葉小九妻嘉靖二十九年歲庚戌爲漳賊所執驅之而前知不免遂投河而死監司遣官禮祀之

嘉靖府志

傅烈女昌國傅梓女年十七美姿色未字嘉靖丙辰夏寇

粹至家故瀕海遂爲賊所得女卽以石自破其面流血塗

地賊怒磔之邑令宋繼祖上其事於軍門爲禮葬焉嘉靖府志

李烈女昌國人寇至執而欲污之李罵賊不屈竟死之海籌

編圖

李氏張棟妻嘉靖三十七年冬案嘉靖志倭賊據柯梅棟

夫婦被執賊殺棟李號哭痛罵義不受辱賊磔之邑令宋

繼祖上其事於監司以禮葬祀之雍正府志

葉貞女許聘慈谿翁姓父母俱歿遂育於翁年十四翁資

產日落且喪其姑舅待之如奴勞勩萬狀略無怨色舅以

子幼欲鬻之羅姓者葉聞恚曰我非貨也何輾轉貿易爲

連日泣下旣知不可免僞爲喜色若將從舅命舅遂寬之

適夜月明給諸妣曰月色甚佳盍少觀乎趨門外良久諸
妣曰夜半矣盍就寢遂入及晨覓之已浮屍於河起之色
如生衣服上下聯結甚固時暑方熾而不腐人皆異之

明史

列女傳參

嘉靖志

鄭氏歸貝效不數載效卒無嗣其父母曰汝何待乎女曰
有舅姑在乃力任艱苦致孝養竟完節而終有司扁其門

曰節孝

乾隆志

沈氏歸諸生金大用年二十七生子甫及期而夫卒有諷
之者輒面詆其人爰斷髮自誓子多疾嘗焚香祝天泣曰
兒存與存兒亡與亡天其祐金氏乎後病瘳卒撫成立
贅居四十餘年奉事舅姑惟謹歿則喪葬盡禮鄉黨推爲節

孝云

乾隆志

陳氏名如真歸鄞屠僦爲繼妻甫八月而寡年二十二前
室子大山尙幼族人有欲奪其志者陳堅不許一日偶至
中堂族人叱之卽斷指自誓深居一室足不履戶闕大山
年十四督之於學後官南兵部侍郎嘗迎養南都鄰火起
偪陳寢羣婢倉皇無計大山忽念火炎上可蒲伏入遽入
負陳以出人謂節婦無死地天實啟之隆慶三年卒凡執

志五十四年

鄞志

沈氏嘉靖戊子舉人沈渭之姊歸諸生陳杰年二十七而
寡子四長謨萬厯戊寅貢生

案乾隆志作丁丑

孫應蛟庚子舉人

皆沈教養力也

雍正府志

張氏林景昭妻事舅姑孝景昭常爲府掾卒遺兩女一男俱幼值歲凶堂上相繼歿家無所遺張力勤女紅以畢子女嫁娶嘉靖間倭寇縱橫子病死張攜幼孫轉徙榛莽間以祖母代母辛苦萬狀每攜齋乾饌輒分與人餉

雍正府志

虞氏隆慶間趙應龍妻夫亡虞年三十二子俱在襁褓孀姑垂白無伯叔可恃適鄰火延燒其廬虞以一孤嫠拮据堂構事姑嫜以孝祭葬以禮撫育二子備歷艱辛子畢娶始謝家政年八十四卒

邱府志

方氏沈純臣妻楊氏縉臣妻范氏紳臣妻俱定海人純臣縉臣紳臣慈谿人同胞也相繼天亡方氏生三子楊無子范一子時年俱艾秉節同居三寡相依淒涼滿室松柏之

姿垂老愈勁題請旌表

邱府志參
慈谿縣志

劉氏二節洪氏劉俊夫妻年十八俊夫死沈氏劉傑夫妻
年二十傑夫死俱無子娣姒砥礪全貞萬厯間邑令呂明
倫旌曰一門雙節

乾隆
志

韓氏諸生胡澤妻年二十七澤卒已有孕欲自盡家人勸
之而止及生子世翰艱苦教育以明經授司訓韓尙在泣
謂曰今而後汝父可瞑目矣萬厯間邑令汪應泰朱一鶚
相繼旌其節壽七十歲

邱府
志

朱氏諸生陳一策妻年二十九而寡有子二遺腹女一事
舅姑孝教次子爲諸生邑令朱一鶚扁其堂曰貞節總兵
李承勳題曰節傲冰霜卒年七十六

邱府
志

汪氏諸生胡世美妻年二十九夫卒家貧子幼矢志不易
飲冰茹檠以終其身萬厯間邑令黎民表旌其廬曰苦節
維風壽七十八歲

雍正府志

周氏胡世保妻年二十八世保病刲股以進衣不解帶者
數月及卒遺孤三俱幼室如懸磬躬親織作奉姑撫子喪
葬婚娶動胥以禮年八十萬厯間邑令黎民表旌其廬曰
茹苦含芳指揮曹養浩題曰貞節祺年

邱府志

戴貞女許字方世顯甫納采而世顯死女痛哭欲奔喪父
母有難色女曰往弔卽隨與歸矣許之至門遂居苦茨服
衰經父母兄弟欲一面不可得守志終身邑令黎民表旌

曰蘭閨砥柱

邱府志

朱氏陳一謨妻年十七于歸逾年生子甫兩月而一謨死

舅姑憐其年少諷使改適朱號泣自誓年八十五卒萬厯

間邑令黎民表旌曰貞節

乾隆志

滕氏王謨妻

案天恩集日華墓表云祖名鏞婦滕以節著據是謨當作鏞

生子宗濬宗

湯而夫卒滕年二十五家貧艱苦撫育成立及濬婚娶滕

夢曉日照其廬而孫生因名曰華萬厯辛卯舉於鄉時滕

年八十餘及日華爲穎上令迎養署中

乾隆志

又案墓表云上春官時王

母卒自憾不及顯揚則言迎養疑誤

金氏定海衛指揮楠之女屯部主事鄭李承嗣繼室年二

十三

一作二

承嗣卒朝夕懸承嗣像以課子讀恩待妾媵

鞠其子女如己出萬厯間督學洪啟睿題請旌表

鄭志

王氏鄒文瑞妻文瑞任建安經歷病卒王時年二十七長子應試方在提攜幼者尙在襁褓扶喪歸里志操冰霜及應試長事母以孝聞撫疲癯弟以友于著邑令顧宗孟總兵何斌臣扁其門曰節孝名門

唐令志

陳氏貢生武愛文妻卽陳一策婦朱氏遺腹女也愛文因廬墓哀毀卒遺腹生子奇遂教之成立爲邑諸生年六十四卒母女皆以節著聞於時

乾隆志

姚氏諸生李應元妻卽孝子李道宗冢婦也應元蚤世姚年二十七子俱幼家無立錐勤紡績以養姑婚嫁咸畢及姑病躬侍湯藥忘寢食姑死竟哀毀卒里人謂其家前有孝子後有節婦皆處人倫之變而節孝萃於一門焉

乾隆志

鄭氏韓鉞妻年二十二鉞卒有子位甫期家貧子立育之

有成年九十七卒萬厯間邑令屢旌其門

雍正府志

呂氏李德妻天啟間德充營兵戍舟山病卒訃聞呂死而復蘇者再時姑年七十餘子祥甫期呂抱子哭與其伯氏言曰夫死何以生爲姑老子幼有伯氏在言卒遂赴井死邑令顧宗孟捐俸以殮造廬祭之旌曰東鄉烈婦月給米贍其家并立祠以祀

邱府志

李氏鄭一賢妻一賢父後娶愛其所生子而虐一賢一賢客游久不歸李奉事舅姑惟謹每潔酒餚以進而姑終不悅盡覆食器於地復治以進跪候食畢始起從無恚色鄉

里稱爲孝婦

唐令志彙

傅氏朱文昭妻年二十六夫卒遺孤俱幼父母諷以改適
傅斷髮自誓撫育二子成立卒年七十四學使旌曰貞操
表世

俞氏鄞人適邵愛江江疾刲股以療不治卒時俞年二十
有一子父母憐其少寡諷以他志俞卽截髮自誓事姑撫
子邵氏賴之以安年踰七旬卒

徐氏何世重妻年二十九而寡有一子病癰一女在抱家
甚貧徐守志不移其後女嫁虞光祚未幾子亦死隨女避
亂山中而卒

王氏楊梓妻年二十梓死生子甫兩月母家咸勸其改適
王曰薄命人生名門適望族夫家三世僅遺一襁褓何忍

去之遂嚙指不歸母家事姑如母撫子成立卒年八十二
黃氏張應科妻年二十四夫卒無子女苦節自守年踰五
十邑令旌曰恤緯功深

金氏年二十適方若聖五載而寡無子欲自殉以舅姑衰
老無依乃止奉養二十年生事死葬俱以一人爲之年七
十二將卒謂其娣姒曰我孀婦耶我童女耳蓋其夫乃不
父者也以上乾隆志

范氏雙節朱氏范應祥妻年二十一而寡

案范兆芝傳汪中作二十七

氏范應瑞妻年十九而寡娣姒也舅姑俱亡家赤貧朱之
父母憐之給歸甯欲奪其志朱皇急赴溺兄弟援之得生
乃髡髮作婢顏自廢汪哭夫目皆血裂鄰嫗語稍不入耳

卽持斧自勞或緝衣自經賴朱調護之以免二嫠起居食
息不相離也朱舉一子我躬汪亦視若己子課讀紡織以
給衣食天啟辛酉我躬舉於鄉以其事聞之朝命有司旌
其門有帝俞雙節詩傳世邱府志

劉宗周詩節義人所性每以習氣汙不有豪傑士曷
醒輕薄夫流風所漸被猶台百世祖上善大與人其次
如蓬扶最下躍治者不入範與模猗歟范氏母秉槩而
茹荼星霜五十載彈指如轉驪豈不易一死所難在立
孤惟孝友兄弟又以及其孥孰非夫子志庶以慰黃墟
有子泣陳情芳名上帝都兩母視一母一母育雙雛
純皆白髮慰勞如當初匪唱易事和允
光史與圖持以勸後人以示德不孤
王應華詩雙節於今齒頰芬從前瘡痍豈堪聞庭中
未聽將雛曲堂上先傳轍誅文窺鏡孤鸞雙罷舞援琴
寡鵲自爲羣一朝潛德陳
丹陛早晚旌書下五雲

李氏辭三祝妻諸生李孝子道宗孫女父諸生李應元其

母節婦姚氏氏幼孤而闕母訓精於女紅年二十來歸翁
先逝家替夫業儒篝燈相勉中夜攻苦而志不竟遂以抑
鬱成疾凡三年氏竭婦工資藥餌齋禱於寢竟不祿氏年
裁二十四所生女始週也號哭幾絕已念孩女與老姑無
所依勉守志以伯之次子士口嗣嗣猶依於伯氏獨與姑
熒熒相依也僅一寢室無尺寸田資粒食朝夕勤針黹自
給及嗣子甫有知輒焚膏課讀以冀成立口殤復立伯之
次子士瑤嗣課讀如口後瑤獲遊庠女于歸人咸謂天之
報氏不爽更數年嗣子瑤復殤姑始慟曰天乎老不如死
乃復哭吾孫氏更慟曰生不如死復殤吾嗣已復泣慰姑
同寢而視寒溫不少間姑年九十氏亦年六十餘其奉姑

猶新婦時也復以妯之季子士珣嗣其愛妯之子更過其
妯自孀居言笑不輕借在婦德所難在氏猶其餘云

文介集

洪氏年十九適沃惟聰

案雍正府志惟作維

甫三月夫卒遺腹生子

舅姑憐其年少去畱任之洪毅然不變志日則藝蔬茹素
夜則織作女紅勞勦備嘗及歿年八十餘子早死孫男五
人皆其撫育成立者

乾隆志

張氏諸生沃我元妻年二十五而寡以無子有欲奪其志
者自誓曰能自立豈必在子哉洪氏我師也吾終爲沃門
鬼矣操如冰槩年六十三而卒

雍正府志

王氏女許字路林吳姓吳母病欲迎女往省女適病疽因
以妹代往吳竟畱之父母俱悲慰女曰當爲汝再擇佳婿

勿憂也女堅矢不復嫁茹素絕葷不事鉛粉父母析產贍之竟以處子終其身

邱府志

桂氏雙節鄭氏桂應秋妻生子一枝甫週夫卒時年二十七家無儲粟勤苦紡織撫子成立娶婦史氏生孫籍亦甫週而一枝從戎勦賊死史時年二十姑婦相守冰檠著聞有司上其事建雙節坊旌之

雍正府志

張氏倪毓椿妻年二十三而椿卒子二禎祚五歲禧祚三歲撫之成立苦節四十餘年里人舉其節守令旌曰孟姚

永範

邱府志

賀氏歸謝子馨七年夫卒遺孤甫二歲苦志撫育爲之婚娶未幾子又卒育其孫及八歲而賀氏終壽八十

雍正府志

邵氏謝棟妻年十八歸謝閱三歲而寡無子以從子嗣茹

荼守淡年七十五卒

雍正府志

方氏諸生陳尙友妻少讀書知禮嫻內則歸陳僅逾年而

尙友卒遺孤生甫三日有勸之改適者乃吟一絕云繡幕

絲牽一載紅鏡分鸞影夢魂通幾回欲絕松筠賦羞聽兒

童誦凱風議遂寢卒訓子成立焉

備志

陳氏舉人臧長裕繼妻年二十餘長裕客遊江右卒有遺

腹子撫之成人家無負郭紡績以供衣食子亦受室長裕

有後皆陳力也

雍正府志

周氏諸生張應瑞妻應瑞死周年三十子三皆幼身勤紡

織上奉姑氏

案府志作舅氏

下課幼孤介節冰操三十年如一日

年六十而卒

乾隆志

丁氏謝應魁妻歸三載生子甫九月而夫卒丁苦志貞守閉戶坐一室中以織紉爲事雖猶子輩不與接談年八十卒

張氏胡尙質妻歸三月而夫卒誓死靡貳養從子爲後年八十七卒孀居者七十年

胡氏孫壽祖妻年二十四而寡止遺一女有欲奪其守者胡斷髮矢節後依女家終身年六十八卒

王氏諸生周鳳禎繼妻

案乾隆志
禎作正

妾李氏先舉子不應王

方娠而鳳禎病篤謂王曰我不能生矣若生男與李同撫之不能亦聽若所爲王嚙指誓無他志及鳳禎死生子不

昭二嫠俱撫之成立

以上雍正府志

李氏年十九適施光宏光宏卒李年二十九辛勤紡績不避寒暑以奉姑撫四幼子年五十四卒

乾隆志

沃氏周錦繼妻歸時夫以病篤不能成禮沃侍湯藥不懈越三月而錦卒猶處子也有勸其改節者沃堅誓曰婦無二夫前妻之子卽吾子也艱苦異常撫子成立守節五十餘年天啟三年巡撫劉一燝題旌

乾隆志

魏貞女字淑英許字方綱未于歸聞夫卒欲往弔父母不許淑英曰不我往有死而已因聽之乃詣夫家親視含殮問夫所卧病小樓居之終身不復下天啟間建坊旌表

雍正志

府志

徐貞女名尙質西管鄉廷貴女許字鄞人楊士譽士譽病厲自度不可起請罷婚女聞之涕泣不自禁久之士譽卒女年已二十三請臨喪父母宗黨共止之不聽父意欲緩之曰兒欲視其斂無及矣往臨其柩可乎越數日則報柩已出殯女乃大慟勺水不入口三日父懼遣告其舅約以衰經來女卽披之而往至則撫幃慟哭觀者如堵牆無不嗚咽者姑慰之曰江行風雨得毋不安乎女曰新婦不抵此者死無所是用不安旣抵此何不安焉夜中侍姑微夫病狀姑出子髮一握示之曰此吾兒翦者其意似在新婦也女乃持髮大慟遂留不去育夫從子爲後天啟初年六十餘有司奏旌其里歲給粟帛以終其身

邱府志
參鄞志

錢益忠詩 江濤可挽輝可回貞女之志不可移及笄
傳聞夫病癰巾幘皎素黛不眉夫亡入木躬來赴潮聲
哀吼悲風吹拭淚上堂問舅姑死者不復孤為誰毀容
勞面撫所後重泉重慶鰥魚偶滔滔斯世良希有莫云
此女而不婦

臧氏朱文盛妻年二十二而寡子一清在襁褓截髮矢志
事舅姑孝教子有義方一清年未冠餼於郡庠居朝宗坊
里人奉為女師壽登耄耄天啟間攝縣林士雅旌扁曰矢

誓柏舟

陳志

江氏臧允行妻年十七嬪於臧二十七夫卒矢志靡他甘
貧茹苦以事孀姑撫二子二女嫁娶俱畢卒年六十九

雍正

府志

朱氏象山人國子監生陳嘉猷妻嘉猷遠遊為誓所鵠朱

年二十五子方三歲孀姑在堂朱奉姑課子咸盡其職以

耄終

雍正府志

鄭氏任知進妻夫卒鄭年二十五遺孤三家貧甚事女紅

以供晨夕上事舅姑下教諸子後子志尹食餼郡庠鄭卒

崇禎間邑令龔彝旌其居曰節孝

乾隆志

嚴氏袁存實妻青年守志歷數十年如一日崇禎間邑令

龔彝旌曰天然節孝

乾隆志

虞氏年十六歸柳濟濟病卒虞年三十生四子家貧歲歉

有勸鬻幼子以減食指者虞曰此皆柳氏塊肉甘同作溝

壑人肯爲他人魚肉耶晝夜事女紅養之及諸子長俱力

負販遂致豐饒年八十二卒時有孫十二人曾孫三四人

咸謂苦節之報邑令龔彝旌曰天壽完節

邱府志

何氏胡珮妻年二十九珮卒家徒壁立矢志柏舟子舜系尙幼督課必子夜始就寢曰吾不從若父地下者爲爾在也舜系發憤下帷弱冠爲諸生邑令龔彝表其閭曰和熊

慈訓

邱府志

湯氏年十七適劉太華生二子而夫卒矢志不貳卒年八

十四邑令龔彝旌之

雍正府志

周氏竺尙文妻年二十五夫卒子麒甫三歲誓死守節邑

令龔彝旌之

雍正府志

吳氏雙節樂氏吳亨理妻年二十而夫死撫子利仁成立

娶江氏生子貞佑而利仁又死二孀相依樂年八十八江

年七十四崇禎間道使許豸旌之曰貞符始旦

俞氏年二十歸諸生薛士超二載而寡謹事舅姑撫教繼子列庠序守節三十年而卒

張氏鄉經甫妻崇禎六年張年二十五夫以醫隨征石浦洞關被殺張奉事舅姑撫育幼子頻遭歲歉糟糠自甘有勸之易志者截髮自誓子方成立而卒

李氏沈邦成妻夫早卒苦志守貞崇禎間邑令朱懋華旌

曰筠心荻筆

以上乾隆志

薛氏尙書薛三才姪女歸鄭諸生邱鴻聲鴻聲幼孤母汪氏苦守鴻聲及長娶薛氏薛事姑惟謹年二十四鴻聲卒哀毀不已卽去膏沐茹蔬撫所遺二子未幾而二子幼亡

熒熒姑媳相依爲命姑歿辭喪葬如禮以猶子爲嗣年五

十餘卒宗族內外咸以節孝敬之云

雍正府志

俞氏倪元忠妻年二十六而夫卒事姑孝撫二孤成立年

六十九卒

備志

項貞女諸生項可學之女弟年十六許字未歸而夫卒矢

志守貞年踰五十卒

乾隆志

周氏金玫妻

案府志
玫作致

年十七適金期年而寡舉一子姑病

不能起醫禱無效夜夢神語曰爾一指可愈姑疾遂斷指

煮汁進曰藥也姑啜之無何強健如常有司月給粟帛旌

其門

浙江通志

陶氏歸王克誠貧難相依夫卒號泣殞地族人勸其改適

陶曰吾聞以身事人者不可失以言許人者不可食飭始

臨終辱先人之教多矣終不從以完節終

雍正府志

傅氏黃江妻年二十喪夫遺孤二歲家貧苦守教育成人

郡侯給額旌之

雍正府志

陸氏名玉辰華夏妻夏爲魯王檢討死國難妻當徙邊或告陸陸指其子儼思曰此藐孤安託夏友林時躍者應聲攜以歸次日告者復視陸陸尙春曰老姑在不獲終事矣以此充數日糧耳春畢結帨於梁引頸就縊身肥重帨絕時炎暑流汗浹衣乃坐而搖扇謂家人曰予且一涼尋復結帨而盡其絕命詞曰郎以扶義死妾敢忍辱生豈不念老姑懼玷妾苦貞欲死旋復止老姑雙淚零妾今隨郎去

老姑長熒熒晨羞與夕膳誰其爲經營何以展妾意殷粟
尙盈盈勉持白石杵爲謀鑿與精妾已早絕粒臂力枯不
勝縞衣汗浹背哭聲和登登老姑鑒妾意加餐日一升妾
今隨郎去夢中還來甯

明史參周容列女傳句餘土音

國朝咸豐五年題 旌

張氏六烈周氏方氏姜氏畢氏俱張鯢淵妾與媳沈氏孫
女茂漪聞城破皆裂帛自縊死時陳君平家妻媳女皆自
焚死吳鍾繹妻自殺沈大成朱永佑李向中妻妾婦女或
自沈水或自縊死朱祖堯妻錢氏年二十喪夫孀居十年
一子名錢妹城陷母子同投井死又有周氏者攜孤孫而
逃孫被俘卽投井死

乾隆志

張氏六烈

國朝咸豐五年題 旌

國朝

林氏雙烈李氏諸生林穎新妻劉氏林鼎新妻劉善詞翰
嘗募黃庭數十本與李氏相遇甚善順治三年定帥亂兵
將肆劫掠邑中人惴惴不自保李劉約難作卽死誓不辱
李嘗提幼女用色絲繫其臂而泣劉於所臨黃庭本尾書
云生有命死有命生兮妾身危死兮妾心定及變起二婦
出避城北廢廬卽毀容繫帛屏息達曙俄傳亂兵至李劉
急自縊解之李已不可救而劉復甦鼎新曰兵火及而死
未晚劉曰兵火旣及庸及死乎且一死一生人謂我何鼎
新方泣然掩面而劉復經絕矣李年二十六

案浙江通志作二十二

劉年十九邑令喬鉢表其事立祠祀之今圯清河張密作

雙烈傳士大夫多歌詠之

邱府志參勤志乾隆志

周齊會詩 綠林不古無真賊草草勤王誰報國出門
主卒爭漁色官劫官屠禁不得摧殘多少崑崙黑揀出
濃蟻馬上特玉帛歸來地不直醉抱臙脂滿地踣一朝
敗駒矜奔北流毒關門蛟水塞誰知少小兩雲鬟細窩
翻出男兒則對賊不須刃上銑絲絲只藉機中織套頭
一死勝千兵卷地鯨氛驚炮炮只今海國春風裏猶眠
夜月雙灘潮生意單憑女子留守土何人空墨墨長安
滿道駑肉食寇至莫張左右翼生將明聖投叢棘恨飲
燕雲死社稷嗟嗟鬚眉心學何
叵測只恐難爲二婦重泉識
張密詩 傳聞鼙鼓接江亭少女風前泣婺星此夜六
軍環翠堞明朝雙鬢鎖雲屏魂依故國煙霞赤夢去高
樓鬼火青子弟八千空
累累蓬萊宮外雨溟溟
華芳詩 次第驂鸞白玉樓冰心六月海天秋貞祠的
的香猶在華袞淒淒淚未收清燈西山多激烈節傳南
國廢河洲只今彤管搜
遺事爲報蛟川有李劉

周元孚詩 誰從青史載 琅玕雙烈還同合璧看回首
幾人紆國難 隕身千古愧 僞冠並瞻鸞 馭駟雲迴頻聽
鵲聲帶日寒 何處一杯乾
淨土遺黎祠下薦椒盤

朱氏顧依仁妻城破依仁欲挈妻逃朱曰覆巢豈有完卵
耶等死耳母及於亂遂攜其媳張氏抱一幼孫投山下井
內死張故儒士日永女乾隆志

滄洲婦城破時有征卒見一美婦年未三十卒謂之曰隨
我可不死婦輒隨卒行相去十餘丈卒數顧之徐徐出城
將登舟見城下廬舍火起卽奮身投烈焰中死乾隆志
以上五人

咸豐五年
題旌

李氏諸生陳士良妻年三十一士良病卒遺二子瑞芝序
皇城將隳李密紉衣上下連爲一曰吾苦節十餘年不可

金華縣志 卷二
使人見吾體及聞外洶洶聲卽躍入井中死瑞芝時爲諸生倉皇自外至聞母死亦自縊

李氏諸生陳承玉妻孀居有年城陷投井死

金氏夫早卒青年守志育子某教之成立補諸生壽七十

而終

以上雍正府志

某氏梅南遠妻南遠守瓊州有治聲會有反側者檄至瓊氏勸南遠早決去事平復原官南遠病不起煢煢孀婦抱子方兩週靈櫬停千里外惟日望嗣君至而未卽至也無何兩歲之兒卒氏乃挽櫬而行舟之深淺山之高下必身扶過曰氏在此毋恐及西陵嗣君至氏慟哭曰吾守柩五載今得息肩於其子蓋一慟欲絕者屢矣戚黨咸代南遠

頓首謝而稱其賢云

天恩集

戴氏黃巖人諸生胡起祥妻起祥字本立蚤卒其先定海

衛世襲戴以貞行爲時所誦

書巖集

湯氏劉大華妻歸五載而寡一子在襁褓勤女紅以撫之

年至九十三而卒順治三年大吏表其門曰旌揚節壽

乾隆

志

咸豐五年題旌

投江女父老諸生貧甚以女質於豪豪貪轉鬻定鎮充歌伎演劇兵子家無虛日女苦之飲恨不言也順治八年五月廿一日戲於市父立觀道旁疑其貌若女女見父輒抱持而哭兵子格止之女惟曰亟贖我父輒走於豪而壓以兵威勢不可復歸母哭自沈於井計聞於女心隱痛之外

若不經意者廿五日乘舟遷鎮艤於浮橋一躍入水董守諭詩

李鄴嗣詩

小鬟抱絃調鳳隨嬌若芙蓉半開蕊臂支

獨扶紅守宮傍人但許聽歌死羅衣垂手骨欲翔綠裙

化蝶嫩蓮香愁心只慕笙篴引冰蠶織絲千縷涼改絃

撥出思鄉調素蛟迎舞幽蘭笑江上風迴曲未闌小魂

夜拜曹娥廟鴛鴦踰浪月鹿麋手執朱鞭牽

白鹿醅酥何處醉罷能熱粉吳姬紫槽促

宋氏諸生張瑄妻瑄卒遺腹生子鵠宋勤女紅以膳舅姑

子稍長教之成立補諸生自瑄以下凡四世皆一綫相傳

至五世而孫曾繁衍人咸謂節孝之報云

乾隆志

林氏高登第妻年二十六夫卒遺孤二皆幼夜篝一燈緝

繡教讀夜分乃寢後子霞爲諸生邑令鄭元成朱承命皆

表其門

雍正府志

趙氏武嘉祺繼妻年二十七夫卒守志不渝事舅盡孝養撫前妻子并己子成立卒年六十七順治十年學使張安茂旌其居

王氏陳所政妻年二十七夫卒撫遺孤拱辰及長列庠序娶樊氏生孫拱辰又亡熒熒姑媳藉紡績以度朝暮課孫誦讀弱冠采芹順治十年邑令鄭元成以兩世貞操褒之王氏諸生陳箴妻一乳生二子未幾箴卒王苦節事舅姑撫二子相繼餽於庠撫軍秦世禎表其門曰櫟節冰操徐氏陳瑞斗妻年二十八而寡家徒壁立徐上事舅姑下鞠穉子至順治十三年八十二歲壽終

胡氏諸生沃兆京妻年二十六而寡有一子家貧屢遭歲

歉忍餓不移順治十六年又遭寇掠身免而孫被殺一生

流離顛沛苦節異常

以上乾隆志

傅氏姚嶼舉諸生丁啟新妻順治十六年海寇猝至啟新

偕傅攜一五歲子將往鄞出門數百武聞喊聲傅謂夫曰

勢迫矣君宜善顧此子遂赴水死

唐令志案

俞氏柴樓村謝應誥妻本鄉俞甫明女名小妹年十七于

歸僅一週順治十六年五月聞寇警隨諸姑娣姒避於門

前丈鼓山隈俞最少寇至欲奪之俞抱於木寇力引之曰

不去卽砍之俞以頸迎刃曰吾頭可砍身斷不可污也一

死何足懼寇竟砍之俞仍抱木死誥聞之慟哭不忍去曰

婦守夫節死夫棄婦屍逃豈義乎吾當亟爲營葬具謀未

遂而身已爲寇縛矣遂與婦同日俱死於寇

謝泰定節婦傳

張氏諸生袁獻徵妻同諸嫗避難洪溪諸嫗招之速去以候夫故獨後遇寇欲逼之張拒罵甚厲賊以刃刺其兩脇死屍體歷五日不變

李氏年十八歸樂日官後值海盜肆掠李與鄰婦伏蘆莽中盜搜獲其夫拷索無所得縛且掠俾遠籬而呼李聞聲而出曰君父母老不可死願以身代盜釋其夫而牽婦以行不十數武見有池卽躍入而死

王氏諸生李光斗妻時海盜劫掠與妾朱氏匿於草菴中盜至見王卽牽之去王知不免因以子囑其妾陸於王家溪口井以死王卽邑中所稱長者雲樓女也鄉人頌之曰

夫人之貞與水清夫人之潔與水冽井有源泉取不竭夫
人芳譽何時歇

胡烈女諸生聞女年十七有姿色避難城灣畧遇賊欲污
之不從乃以刃脇女叱曰我儒家女可殺不可辱賊怒連
刃而仆未死後賊繼至女恐不免於辱乃翻身俯首而絕
時當炎夏又大雨越七日賊退始收殮神色如生葬於前
頭畝從祀其父

袁氏樂益生妻夫卒守志孝養舅姑順治初海寇肆掠居
民逃避婦獨奉姑不去姑曰吾老且病終不免死汝當攜
幼遠出袁泣曰豈忍棄姑偷生及寇至姑以婦言哀告寇
爲之感動遂免害後年九十卒

以上乾隆志

張氏諸生袁彥博妻海賊寇南鄉士女被虜者無數張被賊驅之長山頭湖東廟不屈死之夫尋得其屍顏色如生

陳志

案陳志彙云此與上袁獻徵妻事同彥博疑獻徵之字長山頭與洪溪同在一都似係一人然名俱無考或出兩人姑並存之

李氏諸生韓曇妻曇卒李年二十一上有舅姑下鮮子女有勸改醮者遂截髮毀容掛曇遺容於室日哭奠如生時遇令節更具羞醕以供其所費皆得諸女紅也順治十八年大吏表其門

雍正府志

胡氏二烈應氏胡定隆妻楊氏胡定慶妻姊姒也聞寇警

避於山間寇索得逼之堅拒乃以刃加於脰恐之拒益甚遂俱爲所刃時應氏有兒在抱死時兒猶伏胸吮乳也

雍正

府志

四烈婦李氏諸生樂惟豫媳因寇逼投沼死趙氏諸生李

邦玉媳

案府志作沈邦玉

崔氏諸生樂日新妻張氏丁秉乾妻寇

至俱不辱死

乾隆志

邵烈女名貞諸生邵元聞女許字鄞孝廉張駟之子美南寇至從祖母避難懼爲所逼欲自縊祖母止之女曰邵固儒家張亦宦族身或受污死晚矣吾終不欲負吾父并負張也遂赴水死

胡氏張順妻從娣姒避難至東岡硤遇寇豔其姿逼焉不

從卽投江死

嚴氏二烈女長名大姬次名蓮諸生嚴日宣女寇欲犯之
二女罵曰我家女豈可污辱罵不絕俱被刃蓮以兩手
覆面刃中額死十指落焉

周氏謝子泉妻子泉被寇害周守屍號哭不去同難者邀
之周曰夫死何忍獨生寇索其資并欲逼焉周痛罵被刃
死

胡氏女父士口邑諸生許字同庠張武曾之子同諸母避
難城灣棲霞嶺日將晡謂母曰與其受汚生不若死卽躍
入井田中以泥自汚寇強逼之不從遂斷其脰而去

以上
雍正

府志

沃氏二節王氏沃啟文妻其女甫及笄許配餘姚胡某啟
文聞寇變挈其子以逃王亦挈其女同鄰姬行見勢猖獗
慮不免給其女曰父歸矣汝速往招之同來女行未數武
王卽赴水死女回顧慟絕鄰女強之行女曰吾不忍舍母
而苟自免也亦赴水死

唐令
志棄

胡氏適靈巖湖塘村樂璋時璋病不能起胡抱子侍側璋
曰速遷其免乎吾病甚賊或不我害若自保以全我子胡
泣曰與其死賊人手也不若死君側比賊入胡已抱其子
投水中璋幸不死

聞居
集

李氏吳正佑妻遇寇不受辱以腰縑自勒死其姑李氏大
姑樂氏皆以節著而李又以烈死

雍正府志 以上張宋
氏起咸豐五年題 旌

俞氏適靈巖柴樓村謝某順治十六年四月海寇掠江南
俞同羣婦避山中賊至欲污之俞堅拒不從賊厲聲曰若
能呼不從者三平俞呼曰我雖死不受辱賊持刃刺之洞
胸而倒血濺地未死卽解帶自縊甫及頸而絕

采訪冊

林氏傅某妻居上傅村夫死林年二十家貧苦志養姑撫
子成立

乾隆志

李貞女年十八許聘慈谿葉敬斯先是敬斯父娶於京生
敬斯及弟啟盛而父卒母貧無依改適姚氏啟盛亦隨往
已而啟盛登第貴顯敬斯往省之返至杭暴卒貞女聞訃
悲號請歸葉治喪父許之三年守孀堅叔氏迎養官署久
之叔氏歿家人流落江浦十年貞女病思歸省墳墓遂立

貞女之姪爲後會族子葉遂良爲鎮平令亦卒樞過江浦
其妻應暨副室胡載與俱歸三寡婦同居相弔也已復相
慰以爲常年六十五卒

慈谿縣志

王氏黃守剛妻守剛卒王年二十七舅姑皆早亡遺孤甫
六歲矢志靡他時海氛方熾王抱孤奔走常絕食葭葦間
鄰人有憐而勸之者王曰母子爲命義不再辱以完節終

雍正府志

葉氏黃堦妻年二十六堦卒有一子甫二歲家貧伯叔常
逼嫁後私受聘葉知自縊及救甦仍觸階思盡乃止後值
歲饑至糠粃茶草俱乏而卒

乾隆志

鄔氏沃啟思妻年二十五夫死有子女各二無舅姑叔伯

可依惟朝夕紡織以資撫育年八十四卒

乾隆志

李氏諸生胡邁妻邁與父母相繼卒李年三十買產治葬

家業凋落兩子俱幼撫之成立皆紙織資也年八十卒

乾隆志

志以上三人咸豐五年題旌

李氏諸生沈匡斗妻匡斗以孝聞比卒李守志撫孤順治

十六年聞海寇將至因寄二孤於伯氏室旁小山有一洞

深等丈李奮身躍入其中經旬不死後苦節終其身

唐令志彙

沃堂贊曰畢命愚誠全生苦節子道婦心慎終同穴大

不滅形迹昭著者登之譜牒而盤旋

張氏諸生崔國彥繼妻年十六歸崔前妻遺一子大升甫

二歲鞠育逾於所生國彥卒張年二十四有諷之改適者

張翦髮以明志嚴課大升讀書後以弟子員舉明經廷試

歸張方六十壽稱觴病卒

乾隆志

戴氏三節余氏戴雙槐妻年二十七而寡二子皆幼余矢

志撫孤至於成立長汝良娶陸氏次汝芳娶張氏陸生子

牲而汝良卒張生子嘉賓嘉錫而汝芳卒二氏年皆二十

二依姑撫幼雖老未嘗一越閨閭年俱七十而終郡守與

邑令鄭元成表其門

唐令志彙

姜氏名性善諸生丁輔副室也年二十四輔卒僅遺一女

嫡所生子年亦幼性暴戾姜絕不介意竭力撫育之及長

曲盡婚娶事以續輔祀後卒不合依其壻以終年七十二

邑令褒之

劉氏適沃元元卒卽萌死志視含殮送葬畢潛至元冢上以帛自勒死年甫二十

李氏適沈邦臣逾年舉一子而寡又逾年而子亦不育邦臣有兩弟李偕姑織作以完二叔婚及仲生子士翰立爲後身教之成立年七十餘卒先是李有義男士昇娶婦陳氏年十六逾年舉一子亦寡有勸之改適者陳持刀截髮誓以死守曰願效姑所爲遂力持艱苦與李相依以終其身

宋氏適劉汝度年十九而夫卒遺腹生子宋矢志守貞上事邁姑恪守婦道下撫遺孤成立年七十九而終邑令表其門

邱氏俞應祥妻應祥幼喪母哀毀異常常設位於寢側及邱歸俞克體夫志每飯必先設供然後食事舅尤謹值疫癘舅與夫俱染篤疾邱欲割股以救有以殘削肌膚論之者乃止遂竭誠禮斗每晚必刺指出血塗蠟以燒經二十一日兩病皆愈人僉謂誠孝所感越數月竟以勞病痿而卒宗黨咸悼惜之

王氏劉鳳翱妻年二十二鳳翱卒遺孤二俱幼租鄰園一方蒔蔬自給撫二子世祿世恩成立當事表之曰天壽艱貞

邱氏諸生趙譽明妻年二十七而寡無子茹素終身有田十餘畝畀從叔以助烝嘗曰不令亡人餒也

樂氏吳大名妻大名客死遺一女甫三歲子甫匝月樂灌
畦治蔬夜則篝燈紡織鄉里咸以苦節稱之女後適同里
李必茂家貧充營兵挈之赴廣生一子必茂以事杖斃同
役有強娶之者吳斷髮自誓焚夫屍負其骨攜幼子歸
王氏雙節倪氏王道盛妻沈氏王道貫妻娣姒也舅病瘋
二婦承順惟謹倪生子錦年二十三道盛卒沈生子鐸年
二十五道貫卒皆以青年矢節撫孤成立各有孫倪年七
十二沈年六十九邑令表其門曰雙壽全節

蔣氏邑諸生傅淵如妻年二十而寡誓無他志茹荼勤織
以養二孤二孤一乳所生者長曰元標次曰元枚

謝氏范兆芝妻兆芝客死於廣遺孤基宥方五歲遺女二

無伯叔可依謝矢志柏舟族祖范永正爲周其衣食者十餘年婚娶兩畢年四十九而卒

王氏年二十歸諸生李適館未逾年而寡舅姑慮其年少王曰烈女不更二夫願終身守志每朔望必早起設位祭奠哀號終日性至孝舅姑有命雖疾病弗敢辭竟以哀毀積勞成疾卒時年三十二姪時培嗣之後爲諸生

鄭氏朱良材妻年二十四良材卒家徒壁立矢節不移以紡織養舅姑子嗣軻方四歲女二撫育艱苦嫁娶咸畢年六十七而終邑令表其門

何氏國子監生烏奎明妾

案乾隆志烏作郎

嫡王氏生子光新甫

六歲而王病甚指以屬何曰吾以此子累若矣何泣而受

之未幾奎明亦病卒何年僅二十六遺孤有二值歲歉以薄糜啜己子以飯食王之子己所飽者糠粃也時或炊煙久絕教子誦讀猶自若後光新光越補弟子員光國登賢書人皆賢之卒年三十九

以上雍正府志

夏氏瞽者劉大之妻大貧甚常丐食夏共嘗艱苦歡愛無間及大病卒夏亦自縊夏與劉俱故明勳胄也

徐氏年二十一歸唐姓

案府志作唐氏夫徐姓

夫爲攻木工嗜酒家

絕炊煙不聞交謫聲夫病瘵卒婦鬻其五歲女治殮畢梳

束自縊

謝緒章蜀魄啼

楊花落盡東西陌蜀魄啼衰樹杪碧

舊隴新阡鴉不飛歷餘日日醉人歸鍋空揮手牀前到

欲言不言徒懊惱荒年漸度麥有秋醉人已病酒棘喉

有女鬻將完後事人疑一飽今可求杳無聲息使鄰知

同心結就誓不移風催蜀魄
東方白願向泉臺作比翼
謝緒敬烈婦誄忠孝節義由天性與自古迄今容有
幾人非天性與當其迅發雷霆莫撓嗟彼烈婦誰從稟
程委身賤役兮不知其貧盡瘁拮据兮不敢言勤紅粉
兮焉傳面朱鉛兮未入唇蓬鬢編衣拋青春樵汲補綴
潔晨煨良人學藝僅餬口早出趨市入已申膝下無男
止一女呱呱之聲伴隻身零丁蕭索天不弔奪其配耦
滋酸辛烈婦處此何從容聲厥所有供樞輶喪葬甫畢
隨自計寂寂懸梁鄰不驚最慘幼女未學步匍匐在牀
恐跌傾特爲展鋪置地下乳哺一飽免怒嗔吁嗟乎烈
女何嶙峋愛身惟恐污纖塵萬死不敢易一生千古大
義一肩擎直堪聖賢與等倫猶憶少聆耆舊語邑中李
氏冠動臣有僕奉命出外死其妻聞訃眉蹙聲視姑寢
膳飯兒舉懷石赴井墮釵釧傳聞酷與此相類未經表
暴致湮淪嗚呼此輩英靈天地存豈特區區碑頌并恩
綸但是人心苟不死安得不爲之歎息泣下而言之津津

徐氏顧良卿妻康熙年間鄭寇出海進長山橋瀕江婦紛
然竄匿徐向夫曰賊勢追索無不至男子且多不免況我

婦人與其生而辱不如潔而死恐負姑清白家風不能與子偕老矣惟二子其善撫之言畢潛投東岡磔而死蓋良卿母李氏亦節婦故云

虞氏鄭慶雲妻年二十二

一作三十二

而慶雲卒有子仕紳虞

奉姑教子備極拮据順治十六年邑遭寇掠虞先期偕子婦走匿山中寇將至仕紳欲負母走虞給曰汝再登樓瞭望走未遲子去虞卽遁寇退得返子婦亦還謂子曰吾非不欲偕行隻身易脫不使以我累汝耳康熙間邑令王元士表其門曰節孝延年

陳氏華士珊妻生一子夫卒陳年二十八守志不移值明季歲大歉奉養舅姑無缺康熙十二年陳年七十邑令王

元士題曰貞節不朽

王氏趙四輔妻生一子五歲夫卒王年二十七事姑盡孝如母女然奉養二十載王年八十九卒邑令王元士扁其堂曰柏節松齡

劉氏陳三思妻年十九夫卒無子閉戶紡績自贍年九十六邑令王元士給扁旌之

劉氏魏汝隆妻年三十夫卒守志撫孤長子琦補邑諸生娶朱氏年三十一琦卒撫孤際可亦補邑諸生劉年八十五朱年六十一邑令王元士表其門

樂氏王思望妻年二十三而寡父母欲奪其志樂堅守不移日勤紡織撫孤後子顯中右榜舉人樂年八十三卒邑

令王元士旌之

朱氏張爾炳妻順治間夫赴廣道死朱年二十八殯畢卽赴水以殉弟救得活後撫子成立年五十八卒康熙間邑令侯宜人旌其門

王氏戴大奎妻年二十四夫卒遺孤二值明季連遭歲歉採蕨根薺葉以延旦夕或勸之改志輒對曰餓死事小年八十五卒康熙間邑令郝良桐旌其門

胡氏莊俊造繼妻年二十七而寡苦志事姑雖菽水必以禮教子秉球秉琪皆補諸生康熙二十三年邑令郝良桐旌其堂曰嘉節維風卒年六十一

方氏趙二南妻年二十五而寡二子俱幼有勸之易志者

方嚙唇濺血以誓康熙間邑令郝良桐旌曰天壽淑節

邱氏金漢英妻

案陳志稟英作壽

年二十五而寡事姑鞠子守節

三十五年卒

案陳志稟作四十五年

康熙間邑令黃宮柱旌曰冰心

愛日

謝氏楊敬生妻年二十三而寡遺孤二家貧或勸之改適

謝破鏡示志卒撫子成家年八十二卒康熙間邑令唐鴻

舉旌其門

洪氏劉上俊妻年二十五夫卒哀哭傷目姑性峻急洪曲

意承順值歲荒供膳無缺卒年六十四邑令唐鴻舉表其

門

以上崔張氏起咸豐五年題旌

陳氏謝申昌妻夫卒苦志守節終身無笑容親族咸憫而

敬之以上乾隆志

史氏鄞人適里民洪爾文戚屬陳紹者黷其色往來其家一日伺文遠出夜半排戶入欲污之史不從且大罵紹忿甚以繩縊死之并殺其四子獄成磔紹於郡大吏特爲史

請旌建坊

雍正府志

盧氏夏子洪妻年十七于歸夫早卒遺一女在襁褓中家貧父母憐其少寡欲奪其志盧剪髮嚙指籲天痛哭不已躬紡織以盡孝養姑病醫禱不解帶者浹旬撫繼子若己出年七十五卒

雍正府志

范孝女父兆芝諸生有氣節女許字鄞陸經旦未娶兆芝卒哭之瞽范氏辭於陸請更娶經旦之父宇燦曰豈有是

吾方重其孝當撫之如女然女竟以哀毀死甬上續者舊傳

李孝女諸生李經女父早卒母孀居十載一日母病有術

者言母女年命相犯去一則安女期以身代潛服酒卒人

咸惜之乾隆志時女年十九小浹江人康熙四十九年六月

暑氣方酷越宿而殮顏色如生見山二集

謝兆昌孝女詞嗟嗟孝女在芳年復有弟妹相隨肩

寡母忍茲須臾死提攜冀遂生理全拮据已盡心力竭

愁緒綿綿不可輟人身匪比金石堅沈憂積疾皆為孽

長女代男心屏營代死一言由至誠術士妄言人禍福

翻令孝女垂芳名芳名原非女所願但祝阿母加餐飯

存者對此當自思母煩執手重纏繞不死豈遂玷綱常

奈此殷憂摧肺腸赴水蹈火同至性遂與天壤相輝光

藉令阿母不得活後來憑弔增悽怛成敗在天復奚尤

嗚呼一死

萬事休謝緒章母無憂詩嗟嗟無怕遺閔凶母女劬勞鞠育窮一年強半在牀席願隨地下苦兒衷自傷長大亦徒

爲女不如男思益悲從軍尚有弱質替一死何如鋒鏑
勞伏枕母仍無起色有人指我回天策命中磨歟卽母
讐生胡不辰至我極母爲兩兒抱宿愛兒憂母病無時
休兩憂不解患由我患自我除母自廖可甯阿弟盡孝
養能讀遺書汝亦長我將泉下報嚴親勸母切莫增苦
辛赴水蹈火皆稱孝死真可代亦取效若使士夫身當
之多少瞻前顧後思名並曹娥垂天壤殺身成
仁惟一往甯俞卒能保衛成煌煌聖論昭日星

林氏年十八適唐揆一數年揆一殞於水林方艾年咸諷
之他適林以死自誓撫遺孤成立年六十九卒康熙間邑

令陸敬德以勁節可風表其閭

乾隆志

黃氏陳文元妻年二十三守節無子文元生時事父母孝

黃克承夫志年六十餘卒康熙間邑令田長文表其門

乾隆志

志以上李孝女起三人咸豐五年題旌

陳氏適慈谿趙北聯北聯貧而父母俱老且病陳佐夫操

作奉養不失泊稍裕又助其夫恤鄰睦族教子以純謹康熙五十七年二月壽躋百齡自當事以及邑中士庶無不畢賀人皆以爲榮是年冬忽無疾而卒

慈谿縣志

孫氏林又樊妻年二十九而寡無子家豐於貲嘗建立宗祠卒年六十餘康熙間學使馬豫題曰孤節光宗

乾隆志

樂氏賀思慎妻夫早卒遺腹生一子撫之成立事舅姑能得其歡心年至九十六而卒康熙間邑令以名垂彤史旌其間

采訪冊

郭氏年十八歸周爾華踰年華被虎傷郭遺腹生子苦節撫孤康熙六十年學使馬豫旌曰飲冰植節

邱氏楊奎光妻年二十九光卒遺三子家貧舅病瘋不能

力食邱與姑紡織供膳值歲饑邱將鬻子以供舅知之絕粒邱勸不聽至投繯舅乃食鄰里爲之區處完聚後子成立甚孝邱年八十六卒

魏氏楊文蔚妻生二子蔚卒於閏魏年二十三柩歸葬畢將以身殉舅姑諭以大義乃節哀事紡織以奉養歲饑日茹草木延生卒年七十七

以上乾隆志咸豐五年題旌

朱氏陳秀彤妻年二十九夫卒家貧善事舅姑苦撫幼孤年至八十五及見元孫而卒雍正元年邑令田長文旌其門曰孝節可風

鎮海備志

范氏楊邦榮妻生子甫兩歲而榮卒范年二十七舅姑老且病族人利其產逼之嫁不得行竊又不獲乃縱火范恐

災及舅姑將以身殉禦之火爲之滅後撫孤成立年八十
二卒

張氏楊聖嘉妻年二十六嘉卒子在襁褓舅痛哭失明張
勤紡績以供甘旨得舅姑歡心舅目乃復明年五十七與
姑相繼卒

張氏鄭嘉賢妻年二十四而寡撫幼子成立未幾子媳俱
亡乃撫孫郡守旌曰璧完華髮年七十九卒

邵氏性純孝年十四母病熱醫弗能療女泣禱大士前密
持刀刲右肱肉雜魚湯以進母尋愈及長適諸生陸奏克
盡婦道

丁氏年二十二適劉楨木楨一作植二載而寡遺孤在襁褓丁

截髮自誓鬻簪珥殯夫含辛茹苦二十五年以孤子病劇驚悸成疾而卒

葉氏貝鳳輝妻年二十七夫卒有一子名宋令姑沈氏亦節婦人稱兩世霜操

楊氏黃子達妻年二十八守節無子子達臨終以不能成名養親爲恨楊承夫命事姑孝課繼子讀年六十三卒

陳氏葉本元妻年二十五本元卒無子舅姑欲奪其志陳翦髮毀容自誓舅姑移其幼子別居盡移所有去蓋逼之嫁也陳雖炊煙屢絕矢志益堅卒至白首完其貞焉

任氏陳君則妻歸半載而夫卒年二十無子有頻以嫁勸者任啗指以誓後撫姪爲子娶方氏無出而子又卒方年

二十八與姑偕守至老稱雙節焉

陳氏鄭其洪妻年二十七洪卒一子甫八月陳慟至泣血食惟茹素不令舅姑知撫子成立年七十二卒

方氏鄭斐章妻年二十四斐章客死方抱遺孤奔喪因冒風失明歸葬畢將自縊姑諭乃止家貧甚遭姑喪至剪髮以鬻後子媳又天撫孫成立卒年六十三

鄭氏年十九歸張

張一作孫

聖賜七月而聖賜卒鄭不食者數

四因姑諭稍進飲食旋有勸其他適者鄭復斷髮自誓由是終身縞素孝養其姑不衰里人咸稱節孝云

林氏鄭宏恩妻于歸時宏恩年五十待林甚虐林含忍無怨言供職維謹年未三十夫卒家貧子幼無以爲生林矢

志益堅苦節四十年而卒

賀氏胡武英妻年二十一而寡母以家貧無子諷令改圖賀曰如果不能度活亦待亡人速死之一法耳又冬不爐夏不扇人間其故曰墓中人不知冷煖何如以伯子爲後苦節三十載而卒

林氏周士彥妻年二十一夫卒子生方數月母家屢勸令改適林瞞指自誓朝夕與姑相依寒夜紡織撫育遺孤卒年六十一

朱氏年十九歸王三德有娠三月而三德卒及生一子苦節撫之郡守旌曰節孝可風

邵氏字玉觀諸生莊昌鼎妻生三子年二十七夫卒家貧

日食不繼或勸以他適邵曰父字我以玉取其純潔也乃拮据以事舅姑撫子成立卒年八十七

徐氏方文喆妻年十八于歸未逾年而寡立姪爲後勤苦自持不言壺外事延師教子年六十四卒

張氏王日新妻生二子夫卒張年二十五苦節撫孤鄰嫗或勸之禮佛拜經張悉謝之年六十七卒

余氏王進賢妻賢爲封川尉卒於官余年二十八時宦橐蕭然募路貲攜子扶柩歸葬家居糟糠自甘終身不向人作乞憐態年七十三卒

吳氏黃子球妻年十七于歸生子一未幾球病篤以教子爲囑及歿後家貧無依有勸以他適者吳泣曰先君子以

貌孤是囑何忍言此兄嫂憫其苦志助以薪水顧不能常繼吳茹荼食糠以守志卒年八十三

鄭氏洪兆龍妻兆龍父應科以王事殉難陰襲定海衛百戶兆龍卒鄭年二十一子崑甫二歲撫之成立苦節四十年至六十一歲而卒

楊氏厲裕昌妻歸三載而裕昌卒無子舅姑慮其不能守使人探之楊號泣自誓守節茹淡五十餘年

秦氏裕昌弟祐昌之妻祐昌卒秦年二十五有一子秦與楊共力持艱苦撫孤成立至七十餘歲卒

鄭氏裕昌從弟祖昌之妻祖昌卒備嘗艱苦以撫育二子馮氏年二十適王純一爲繼妻越九載純一經商溺死黃

盤焉日夜祝天求獲夫屍越旬日得屍於後海收葬焉乃
閉門紡績教子琪讀書成立入邑庠年五十一卒

任氏王恕藏妻于歸數月而恕藏卒任年二十五盡鬻衣
飾營葬地並造己壙以示同穴撫伯子爲嗣卒年四十八
沈氏慈谿人年十八適李爾範五載生一女而夫卒苦節
奉姑迄於喪葬既畢終身守志不移

洪氏黃文祥妻年二十八祥病篤割股和藥以進卒不治
以姪爲嗣悲哀守節不見齒者四十餘年

杜氏樂儀生妻年二十五守節勤紡績以課子讀書至七
十六歲卒子芳華入邑庠

夏氏諸生莊信烈妻年二十四而夫卒夏屢絕而蘇決志

殉死戚族以撫孤爲勸強起治喪十餘年哀不絕淚至七十二歲卒

蔡氏劉元運妻年十九守節撫三月遺孤餽粥不繼守志益堅中年子卒以從姪入嗣紡績自給年至七十卒

朱氏年十七適王上卿後卿客閩不還所生子又夭或勸改圖朱矢志待亡勤紡績以自給壽八十二

劉氏王志麟妻志麟讀書不得志卒劉年二十六慟哭屢絕家貧與姑紡績課子後子入邑庠劉年七十二卒

以上乾隆

志咸豐五年題旌

張氏劉允義妻年十九歸劉越七載生一女而夫卒有遺孕張泣告姑曰倘幸生一子劉氏之鬼庶不餒而如再生

金華縣志 卷二十六
女願隨夫於地下及期姑恐生女自戕竊護持之後得生男教養成人雍正八年爲五旬壽邑令張珽以冰節可風表其閭卒年八十五

鎮海備志

馮氏顧君玉妻君玉叔伯共五人惟君玉有二子及卒馮年二十六家貧拮据撫子卒致成立以承宗祀年六十五卒

案乾隆志馮氏分爲兩傳其夫姓名同子二并守節之年俱同似係重出今合之

王氏沈漢倬妻倬死無子王年二十一繼姪爲後娶錢氏生子一而繼子又死錢年三十王守節五十三年錢守節二十二年蓋兩世清節云

張氏許聘劉紹周年二十一未歸紹周病篤張聞之請於父母願歸侍疾不許再請乃許及至而紹周隨卒遂居夫室守志年五十而終

龐氏沃其淵妻年二十一夫卒遺腹生子未幾舅歿從祖欲奪其志龐翦髮自誓勤女紅以供餽粥卒撫子成立卒年五十六

艾氏諸生沃廷先妻年三十六夫卒食貧苦節課三子讀書後俱有聲庠序雍正十年艾已百歲諸孫將請建坊艾不許乃止未幾卒是年秋孫沃州領鄉薦

吳氏年十八歸陳起鴻甫二月而夫卒遺腹生子律文及成立娶費氏生子泮水而律文又卒費年二十七與姑相

金華縣志 卷三
依雍正間連遭歉歲姑媳艱貞鄉里咸欽雙節

范氏方丹鳳妻歸數月夫卒遺腹生子雍正間歲荒歉拮据延旦夕及子成立受室曰今而後可見夫於地下矣年五十八卒

柴氏黃元貴妻年二十八守節子尙幼雍正初歲頻饑柴一日一粥或再日一粥卒撫子成立以上乾隆志咸豐五年題旌

謝氏歸鄆董元毅奉舅姑克盡婦道年二十三元毅卒未踰月而姑病湯藥必親嘗歿則盡哀盡禮教子嚴肅卒年四十八雍正十一年題旌鄆志

武氏舉人謝廣昌妻廣昌好會友論文武佐巾饋必豐潔年二十六夫卒舅性好義舉時或財匱不繼武輒鬻簪珥

供之及武卒舅流涕曰吾兒真死矣

屠粹忠輓詩

癸星何事劇相催廿載冰霜一夕摧
膝下并無兒侍哺堂前剩有舅含哀
情甘同穴歸甯晚志

擬投繯去不迴遙識九原

含笑處惡琴依舊鼓泉臺

姜宸英詩

淚流曾洒孝廉船屈指於今已廿年
有婦方欣矢繳口無兒不道遠重泉
天荒地老愁難竟玉潔

冰清節自全試詠柏舟知

靡慝中河澄澈映蛟川

阮氏諸生謝緒進繼妻年十七于歸夫病奉侍湯藥衣不

解帶者五十日夫卒欲以身殉者數矣事舅姑盡孝撫前

妻子如己出康熙四十三年鄰里大疫或以暫避尼菴爲

請阮曰死生有命菴寺豈寡婦所居耶終身不御羅綺及

卒時箱遺疋絹猶嫁時物

白氏江大甯妻年二十七夫卒矢志守貞孝事舅姑及舅

病篤茹素虔禱生平周恤孤寡足不入寺觀

虞氏貢生謝緒輝妻年二十九夫卒事姑曲盡孝養撫二子成立守志三十五年卒

莊氏鄭彝妻生一子彝卒莊年二十五意不欲生母強之歸甯有族姑稍諷以他志卽拂然歸事紡績資生日不再食率以爲常子廷秀就外傳每午歸飯不盈孟母子相對淒然及卒後子爲邑諸生家亦漸裕推恩親黨贍給孤寡久著義聲

陳氏王咸吉妻于歸四載夫卒時姑老子幼日事紡績或時灌園蔬以佐饗飧一日姑病劇陳號泣籲天未幾病愈人以爲誠孝所感云

高氏沈呈美妻年二十四夫卒無子家貧甚以紡績奉姑時或拮据以供姑之所嗜撫姪爲後姪卒以長孫繼年七十八一日櫛沐更衣與家人作別瞑目坐逝

薛氏謝緒勤妻于歸後夫病二載侍湯藥不懈及卒薛痛不欲生以舅姑在勉強節哀姑老病十餘年事之不離左右

謝氏王之純妻年二十二方有娠夫卒後生子謝艱苦撫之及長補諸生年二十五又卒與子婦陳氏紡織以供晨夕苦節終身

汪氏鄭允懋妻夫卒年二十二姑患其年少汪乃翦髮矢志家貧不能葬輒往殯所覆土及久屹然成墳後姑卒亦

如之汪以忍泣傷心患心疾三十餘年卒以此歿

王氏陳大本妻夫病數載脫簪珥佐醫藥卒不起家貧子幼晨夕不繼娣姒或諷以他志卽剪髮自誓姑病疫王虔禱於天請以身代旣而漸愈時鄉鄰無不染疫獨王母子無恙

謝氏朱金玉妻夫卒子幼謝年二十八孝事其舅課子讀書成立躬勤操作閭閻肅然足不入寺觀卒年八十三張氏年二十二歸劉昭麟越五載夫以溺死張聞欲赴水以殉姑力止之乃勤紡績以奉姑鞠幼子守志三十餘年常語子曰我惟求不愧祖姑耳蓋其曾祖姑王氏亦節婦故云

邵氏林月三妻夫常餬口四方姑老且病邵勤紡績以供藥餌及歿竭力營殯殮未幾月三客死於杭邵絕食不欲生族人以夫柩未葬爲勸乃稍進飲食立從子爲後袁氏鄭之德妻夫卒家業零落袁勤十指以奉舅姑及喪葬皆盡禮撫三歲孤教之成立

裴氏任季修妻生二子夫卒年二十八事舅姑以孝撫遺孤讀書成立子任坡入邑庠

以上乾隆志乾隆元年題旌

謝氏名緒芝固始知縣謝歸昌女知書工吟詠適鄞太學生董元晉因無子以詩勸元晉納妾曰事事都從病裏支積愁豈敢望君知祇緣繞膝還雙女莫吝明珠買妾貴元晉乃置側室管氏名惺亦能詩緒芝愛之杼織之餘互相

倡和元晉以家貧出遊緒芝與惺賦詩寄之緒芝詩曰積
雪無如昨歲多今年臘盡更如何夜深寒色侵衣冷少向
風前抱膝歌惺詩曰握別微言幸不忘肯教方寸染風霜
無家莫再輕彈鋏東國於今少孟嘗元晉在家嘗幸一婢
後元晉卒婢拜柩前痛哭緒芝詢得其故遂畱之婢亦終
身守貞云

甬上續
書舊詩

潘氏諸生謝緒正妻夫卒潘年二十三守志二十五年孝
事舅姑舅歿致并日之愛於其姑共處一室形影弗離遇
姑疾侍奉竟夕不寐以故潘卒姑哭之過於其子有子潤
祚入邑庠乾隆二年題旌

陳氏馬士通妻年三十守節勤儉自持教子成立年七十

餘

金氏年十六歸夏之錫生二子夫病不起金割股以進及卒與姑同卧一室叔欲奪其志乘姑他往夜糾眾欲劫之行金覺之抱幼女踰檻走鄰媼家呼救鄰族共起逐叔乃免後叔蕩產遠出金拮据朝夕或代鄰婦舂米受其糠粃作薄糜餉兒徹夜勤紡績易食供姑至三十年

朱氏劉堯安妻生一子夫卒守節撫子成立年踰七十而卒

謝氏薛垂裕妻生一子夫卒謝年二十八家貧拮据以奉舅姑子就傅脩脯每出自女紅後子列邑庠

沈氏薛守裕妻年二十四夫卒家貧甚姑老子幼沈勤紡

績灌園蔬以養苦節數十年以上乾隆志乾隆三年題旌

張氏儒士劉志顯妻生二子俱幼而夫卒張苦志堅守訓

子有義方乾隆三年邑令王鈞給以松心柏操題額鎮海備志

張氏陳文光妻年十九歸陳生三子越七年而夫卒張上

事舅姑下撫諸孤茹藥含荼卒完苦節邑令王鈞以松筠

比操旌其門年七十四卒鎮海備志

俞氏方世揆妻年十七守節有一子家貧勤紡績以養舅

姑撫子成立

章氏范偉生妻生二子夫卒章年二十八守節四十餘年

孝事舅姑課子成立以上乾隆志乾隆四年題旌

陳氏杜尊爵妻年二十七夫卒哀毀不欲生未幾舅又卒

家業凋落乃勤紡績奉姑苦節教二子後長子克立成家
陳年屆七十

袁氏顧子宜妻夫卒無子事舅姑孝養甚篤撫繼子惟卜
成立娶陳氏生孫一惟卜又卒熒熒姑媳勤紡績以育孤
孫

吳氏金之印妻夫卒家業中落吳事舅姑撫幼子苦節數
十年

湯氏毛正儒妻夫捕魚溺海死湯守志奉舅姑立從子忠
肅爲後未幾解死又以忠諸承嗣教以讀書得列庠序
傅氏歸士良妻家故貧常私饘糟糠以甘旨奉舅姑及夫
卒有二子家益饒傅拮据以供朝夕後病革時歎曰兩子

幸已成立但恨不能終事吾舅耳

陳氏崔士璜妻年二十九夫卒勤儉守節撫繼子成立

劉氏諸生舒松妻事姑以孝聞松讀書不得志卒劉教育

三子使承父志後俱列庠序

以上乾隆志乾隆五年題旌

劉氏王用三妻年二十七而寡其舅自杭遷鎮姑又他適

宗族俱無僅生一女性至孝年十三嘗判股以療母疾鄰

人救止之後適朱元棟劉亦依壻以終身外孫朱衣點衣

德事以祖母禮服孫服立衣德奉王姓宗祀卒年七十五

邑令王鈞給以勁節凌霜題額

陳志業

樂氏諸生李國甯妻生子三而夫卒卒時目未瞑樂碎鏡

誓無負夫志乃瞑葬畢與姑同居一室姑因哭子喪明樂

謹事三十年乾隆六年題

旌 乾隆志

朱氏陳旭顯妻旭顯捕魚溺死遺腹生子廷孝艱苦守志二十餘年子成立家漸昌熾

徐氏林汝泰妻夫卒年二十九時姑老且病徐含哀侍奉姑歿喪葬皆盡力撫子成立生孫子又卒乃與子婦撫孤

孫勤女紅以給衣食

以上乾隆志乾隆七年題旌

崔氏沈子義妻子義家貧爲伍卒時守汛地不歸崔竭力奉舅姑甘旨四載夫卒撫孤子拮据以供朝夕守節三十六年

陳氏金光隆妻夫死守節勤女紅以膳舅姑育孤子歷二十餘年

楊氏蔣允文妻歸五月夫卒無子立從子廣定爲後及長娶劉氏生一子而廣定又死姑媳兩世孀居

白氏任珣瓚妻家故貧夫卒鬻居室以營喪葬棲身僅破屋數椽勤紡績以事舅育諸孤苦節三十餘年

以上乾隆志乾隆八年題旌

沈氏張學郊妻夫卒嚙臂剪髮以示志姑老且病沈爲之扶持行立者二十餘年所居湫隘一日鄰不戒於火沈從烈焰中扶病姑以出撫從子懋勉爲後

王氏馮世科妻事舅姑以孝聞夫卒守節剪髮自誓撫育二孤

樂氏沈君重妻夫卒長子方四歲幼未彌月樂苦志撫養

後長子入邑庠

以上乾隆志乾隆九年題旌

林氏陳耀祖妻夫卒苦志撫孤終身未嘗歡笑守節二十

八年

胡氏丁楚良妻

案陳志稟良作長

夫病禱於天願以身代淚與血

俱見者流涕及卒子方在襁褓苦節撫之成立

李氏胡汝富妻夫卒事舅姑克代夫職教育二子有成

汪氏徐士高妻夫卒無子汪苦節奉姑終身

余氏虞廷仕妻夫卒承夫志孝事舅姑一子早卒無後

乾隆志乾隆十年題旌

莊氏周維宣妻夫卒無子侍養舅姑足不踰闕撫繼子爲

後

莊氏倪殿武妻事舅姑曲盡孝養夫卒遺孤僅三歲莊矢志教育俾克成立

以上乾隆志乾隆十二年題旌

胡氏黃成鼎妻年二十二鼎死無子胡剪髮矢志孝養舅姑以從子慕憲爲後教之讀書入邑庠守節四十餘年乾隆

十三年題旌

乾隆志

齊氏劉堯聘妻夫卒無子善事舅姑撫繼子承祀

陳氏唐順行妻年十九生一子夫卒唐氏世艱嗣續陳苦

節撫孤歷三十餘年子弱冠入邑庠

以上乾隆志乾隆十四年題旌

張氏胡殿元妻生二子夫卒張年二十三未幾二子俱殤

乃立繼承祀

陳氏傅賓如妻夫卒守節歷四十餘年撫幼子成立生孫

子媳俱卒撫孫教育之

以上乾隆志乾隆十五年題旌

費氏金子璉妻居室時以孝聞年十九歸子璉及璉卒遺

孤甫六月費上事老姑下撫孤孩苦節二十八年而卒學

使彭啟豐以畫荻垂芳旌其門

乾隆志乾隆十六年題旌

朱氏范國吾妻年二十一守志無子事舅姑生養死葬多

出自女紅年八十餘卒

楊氏年十六歸胡光祖生一男夫卒家貧以女紅給食數

饑餓姑命之嫁不從後姑惑於媒氏許之他姓迎者將至

楊驚覺欲投繯自盡其孤士彥年十三奔訴於令令唐鴻

舉覈其情嘉之曰母節子孝兩無愧矣懲媒氏給錢米旌

之

陳氏丁偃修妻年二十三守節歷四十一年子婦虞氏亦節婦兩世清操鄉里稱之

賀氏諸生胡毓麟妻夫卒守志上事舅姑下課二子長大超入邑庠賀年六十一卒

劉氏樂璘妻璘善事母劉亦孝如其夫及璘卒劉年三十守貞曲成夫志勤紡績以事姑年六十餘卒

王重時詩 矢志確然賦柏舟姑前忍淚暗中流冰心不滅陳家姑敬事高堂五十秋

金氏董士慶妻夫經商吳門而卒金飲血自誓勤紡績以撫遺孤後二子既長咸竭力事母年八十卒

俞氏丁子傑妻傑雙瞽俞敬事之及卒俞年二十五家貧躬紡績以養舅姑有一子旋夭俞足不踰閭艱貞守志至

八十餘歲

邵氏丁之珽妻生一子之珽卒邵年二十五苦志教子守節三十餘年

黃氏丁其偉妻年二十五夫卒數月未嘗露齒一日母至其家謂曰汝無男女田產盍再適黃不語母歸爲之擇壻黃知之乃潛縊於夫墓之旁

顧氏年甫笄許字樂通志通志卒顧括髮奔喪泣告於姑願矢靡他之志姑從之立敏修爲嗣顧上奉萱幃下和熊粉茹荼飲檠厯久益堅敏修成立爲諸生邑士嘉其貞節請旌褒焉

胡氏年二十三適張東周不數年東周卒時東周兄已死

金華縣志 卷二十二
嫂亦適人胡念宗支俱絕乃因親串勸舅買妾生子宏良甫五歲舅卒胡與舅妾鞠之成立及生子撫爲己嗣守節三十餘年

張氏胡舜文妻年二十九夫卒遺腹生子堂稍長教以讀書自立夫應出爲人後張兩事舅姑均盡婦職年七十六未嘗一入寺觀

范氏楊顯臣妻年二十六夫卒有子一後殤范復立繼子以撫伶仃苦節始終不渝宗黨咸憫之

張氏陸起莘妻年二十三守志以紡績膳姑養子及姑卒寄居母家母病五載侍奉湯藥無少懈鄉里賢之

郭氏丁克明妻年二十二夫卒斷指見志苦節歷三十餘

年

胡氏歸鄭之蘭

案陳志橐蘭作蘭

踰年夫死苦節十餘年以完貞

終

虞氏任景法妻年二十四而寡子甫三歲家無宿舂矢志

苦守歷五十年

據采訪冊作四十二年

以完貞終

沈氏方堇妻堇卒於閩沈矢志守節歷五十餘年

史氏王維則妻年二十四夫卒無子家貧甚紡績以供姑食身極藍縷不出戶門宗黨周之多不受其苦節如此

王氏年二十四歸謝嗣嶽逾年夫卒守志三十四年事舅姑得其歡心訓繼子莢讀書爲邑諸生

朱氏年二十適林顯謨未數年夫卒無子以從子朝宗爲

嗣守節四十六年孫煥若爲邑諸生

楊氏黃世友妻年二十七夫卒有二子家貧旦夕拮据爲餬口計年至八十餘猶不廢紡績

范氏黃一鯤妻年十九鯤卒忍飢撫孤歷三十年子成立娶鄭氏又無子而卒乃與媳並持艱苦以完貞終

黃氏華尙德妻性嚴謹寡言笑生一子夫卒黃年二十三勤儉持家奉姑訓子守節至四十年

周氏邱坤妻年二十坤卒矢志守節舅姑屢逼之嫁周斷髮裂容乃止苦節歷五十餘年

華氏黃承德妻年二十一夫卒遺孤一舅姑性剛愎不欲其守每詈辱之華遂斷指自誓卒以守終

劉氏莊楚臣妻年二十七而寡淡泊自甘拮据守節歷四十二年

邵氏莊光隲妻生一子年二十七夫卒持家教子守節五十年

鄭氏董惟善妻年二十二惟善出洋死鄭撫二子成立守節至六十餘歲

孫氏陳益宸妻年二十六夫卒竭力課女紅奉舅姑撫遺子聖瑞舅姑卒喪葬皆獨任成禮子長娶梅氏數年子又卒姑媳熒熒撫孫開基成立以完貞終

以上乾隆志咸豐五年題旌

胡氏王耕餘妻年二十六爲未亡人無所出乃矢志相其叔慶餘支持門戶克勤克儉至孝養舅姑始終無倦卒年

五十四

陳志
棄

邵氏儒士丁紫綬妻性慈孝善侍高堂自爲未亡人操守益堅鄰里有焚獨者善撫之其培養後嗣皆樹立卓然子廷業郡諸生彬彬爲端儒同郡進士李昌昱贈以文有曰賢哉母也非此母不生此子乾隆二十五年題

旌陳志
棄

樂氏王成階妻年二十二夫卒遺孤甫週歲撫養成人孝事舅姑矢志堅守卒年五十八邑令王夢弼以柏節松齡表其門

鎮海
備志

陳氏年十七適周期定

一作斯定

未幾夫病陳侍湯藥衣不解

帶者十月餘及夫卒潛圖自盡姑覺而救止生平事姑孝喜讀書遺孤甫四月教之成立卒年七十三乾隆四十年

題

旌

陳志
臺

李氏夏聖圭妻年十八結褵一月夫卒李矢志堅貞事舅姑盡孝姑病割臂肉和藥以進血流不止殞而復甦以夫兄次子爲嗣撫養如己出督課綦嚴後子雲程早歲入泮中甲午副車孫衆又相繼遊庠年七十七乾隆四十一年

題

旌

陳志
臺

華氏葉汝達妻未于歸而汝達卒華聞訃卽毀容服素矢志守貞舅姑嘉其志迎之歸後撫姪大德爲嗣視如己出性仁慈好施子乾隆十六年歲歉族有鬻女者華聞之惻然命其子贈以金畱之宗黨稱其賢年六十八卒

鎮海
備志

湯氏林廷璋妻承夫遺命創建宗祠并贍助祀田呈縣勒

石給有修業承志題額

采訪冊

邱氏儒士丁維明妻夫卒苦志守貞子甯世爲郡諸生得於母教之力居多乾隆四十五年題旌

陳志彙

樂氏王景舜妻年二十九而寡長子偉疇纔數歲次偉英遺腹所生撫養成立五十餘年備歷艱苦卒年八十二乾隆四十六年署邑令吳以節操冰霜旌其廬

鎮海備志

謝氏王勉餘妻舅世勳官粵東永安令家政悉以委之繼而舅卒於任姑亦旋歿家貧謝佐夫治喪皆盡禮未幾夫死謝益勤操作課其子曰升讀卒補諸生以學行稱於時謝之教也謝有弟坦賢遊山西而父母相繼亡一切醫藥含殮之費皆謝任之及坦賢歸復卒其屋曰棣萼樓出賃

他姓謝爲假貸贖之并移其家與外家合居焉撫其孤與

女恩誼甚至宗黨咸稱其賢

吳德旋撰傳

鄭氏張師湛妻夫卒苦志撫孤育女久而彌堅乾隆四十

六年督學王韓城給以勁節幽芳扁額以示獎勵

采訪冊

史貞女居崇邱許字小浹港樂文思之子文思子年十六

卒女年與之同堅守不字之貞父已爲之擇壻女知之卽

過樂氏登堂拜舅姑願爲夫守節舅姑難之女以死自誓

鄞進士包旭章嘗以詩揚之云

蛟川詩話

林氏儒士周肇棟妻家貧躬操杵臼以撫遺孤乾隆四十

九年邑令寶銓給以勁節可風題額

采訪冊

史氏賀士宰妻年二十七而寡剪髮誓志姑病瘋十載不

離左右教子懷淵俾列庠序年八十四乾隆五十年題

旌陳志
橐

王氏年二十一歸國子監生李生櫬歷七載而寡子甫四歲竭力撫字姑年九十奉侍惟謹年七十一孫自登遊庠邑令汪誠若以節孝可風獎之越三年自登亦卒孫媳董

氏亦矢志守貞

鎮海備志

吳氏年二十一適張清潤越五載夫卒勺飲不入口累日事舅姑孝養備至姑年九十六侍奉歷四十年無倦容親族有貧寡者減己衣食以給之俾全其節課二子甚嚴次子學杰由郡庠貢成均吳年七十餘乾隆五十四年題

旌陳志
橐

吳氏年二十歸倪發舉家貧舅目盲服食起居吳扶持惟謹越九載夫病吳焚香默禱願以身代及卒苦節五十餘年子三長起雲太學生次起蛟中乾隆甲寅

恩科武舉人

鎮海備志

顧氏年十八歸鄞陳殿高殿高嬰危疾顧叩首籲天願以身代衣不解帶者數月而殿高竟不起時顧年二十四遣子明遠甫四歲事舅撫孤拮据朝夕乾隆五十八年學使李以閩範徽風獎之守節四十餘年

鄞志

王氏樂容量妻年二十五而寡長子甫三歲遺孕生次子王苦志守節敬事舅姑教子成立次子清輝中乾隆癸卯

科武舉人

鎮海備志

顧氏諸生朱成妻年二十八成卒顧事姑維謹守節歷五十餘年乾隆年間題旌給有式贍清懿題額

采訪冊

王氏顧國法妻于歸纔七日而夫卒無子又無伯叔因勸其舅復娶姑果生一男王待若昆弟後撫叔子興邦爲嗣矢志苦守足不出戶庭乾隆年間邑令周樽以孝義冰霜旌之卒年五十

舒氏沈世貴妻生一子而夫卒舒年二十七矢志堅守生平無疾言厲色孝事舅姑躬行勤儉子學熙事母亦以孝稱

邵氏年十八歸莊必恭越七載而寡子二家貧邵躬勤紡織孝養其姑下撫遺孤俾克成立姑卒嚮簪珥以營喪葬

守節六十四年邑令張端木以冰霜勁節表其門

郎氏諸生張效才妻早寡無子躬勤績紉不事華飾督學寶光鼎給匾獎之曰柏舟自矢

樂氏張大泉妻年二十而寡遺腹生一子撫養成立茹苦終身乾隆年間邑令徐培以冰清玉潔表其閭時有海盜登岸焚其廬其匾額從火光中躍出毫無損壞盜見之爲之驚歎而去卒年七十六歲子銓孫思清俱爲太學生

吳氏林子良妻年二十五而寡僅生一女家貧甚夫歿時

欲以身殉戚族力勸之而止不出戶庭日事紡績撫姪爲

嗣年七十四卒場大使以勁操凌霜表其門

以上鎮海備志

高氏任維豐妻年十八歸任閨八載維豐入山採樵傷於

鎮海縣志

卷二十六

列女

七

虎子典肇在襁褓家貧茹苦守貞撫孤成立典肇年二十
一已訂有婚期未及而亡高乃撫姪爲嗣爲之授室年八
十餘猶紡績不輟以完節終

采訪冊

何氏儒士胡森賢妻嘗午夜佐讀渴望其夫成名不幸而
森賢蚤卒且無子何苦節六十餘年生平足不踰閭不預
女宴以閨淡終其身卒年八十二貢生楊人模有輓句云
六十載冰心鐵志百千秋潛德幽光

鎮海備志

曹孝女父文英以訟買穀事死於獄無子孝女年二十尙
未字鳴父冤由縣而府而道俱不直遂襆被赴省宿於逆
旅意將上控也讐家嗾逆旅主人毒之孝女竟死至今甯
波一府六州縣無買穀之禍者孝女力也孝女鎮海江

人事在乾隆季年采訪冊